

大唐三藏聖教序

太宗文皇帝製

壁

蓋聞二儀有像顯覆載以含生四時無形潛寒暑以化物是以窺天鑿地庸愚皆識其端明陰洞陽賢哲罕窮其數然而天地包乎陰陽而易識者以其有像也陰陽處乎天地而難窮者以其无形也故知像顯可徵雖愚不惑形潛莫覩在智猶迷况乎佛道崇虛乘幽控寂弘濟万品典御十方舉威靈而無上抑神力而無下大之則弥於宇宙細之則攝於毫釐無滅無生歷千劫而不古若隱若顯運百福而長今妙道凝玄遵之莫知其際法流湛寂挹之莫測其源故知蠢蠢凡愚區區庸鄙投其旨趣能無疑惑者哉然則大教之興基乎西土騰漢庭而皎夢照東域而流慈昔者分形分跡之時言未馳而成化當常現常之世民仰德而知遵及乎晦影歸真遷儀越世金容掩色不鏡三千之光麗象開圖空端四八之相於是微言

廣被極含類於三途遺訓遐宣導羣生於十地然而真教難仰莫能一其旨歸曲學易遵邪正於焉紛紜所以空有之論或習俗而是非大小之乘乍泯時而隆替有玄奘法師者法門之領袖也幼懷貞敏早悟三空之心長契神情先包四忍之行松風水月未足比其清華仙露明珠詎能方其明潤故以智通无累神測未形超六塵而迥出隻千古而無對疑心內境悲正法之陵遲拯慮玄門慨深文之訛謬思欲分條排理廣彼前聞截偽續真開茲後學是以翹心淨土往遊西域乘危遠邁杖策孤征積雪晨飛途間失地驚沙夕起空外迷天萬里山川撥煙霞而進影百重寒暑躡霜露而前蹤誠重勞輕求深願達周遊西宇十有七年窮歷道邦詢求正教雙林八水味道飡風鹿苑驚峯瞻奇仰異承至言於先聖受真教於上賢探蹟妙門精窮奧業一乘五律之道馳驟於心田八藏三篋之文波濤於口海爰自所歷之國摠將三藏要文

阿闍維摩經卷第一 華嚴經

凡六百五十七部譯布中夏宣揚勝業引慈雲於西極注法雨於東垂聖教缺而復全蒼生罪而還福濕火宅之乾皎共拔迷途朗受水之昏波同臻彼岸是知惡因業墜善以緣昇昇墜之端惟人所託辭夫桂生高嶺雲露方得法其花蓮出淥波飛塵不能汚其葉非蓮性自潔而桂質本貞良由所附者高則微物不能累所憑者淨則濁類不能沾夫以卉木無知猶資善而成善况乎人倫有識不得慶而求慶方冀茲經流施將日月而无窮斯福遐敷與乾坤而永大

皇太子臣治述

聖記

阿闍維摩經卷第一 華嚴經

秘局是以名無翼而長飛道无根而永固道名流慶歷遂古而鎮常赴感應身經塵劫而不朽晨鍾夕梵交二音於鷲峯慧日法流轉雙輪於塵苑排空寶蓋接翔雲而共飛在野春林與天花而合彩伏惟

皇帝陛下上玄資福垂拱而治八荒德被黔黎殿柱而朝万国恩加朽骨石室歸貝葉之文澤及昆蟲金櫃流梵說之偈遂使阿耨達水通神甸之八川耆闍崛山接嵩華之翠嶺竊以法性凝寂靡歸心而不通智地玄奧感懇誠而遂顯豈謂重昏之夜燭慧炬之光火宅之朝降法雨之澤於是百川異流同會於海方區分義控成乎實豈與湯武拔其優劣堯舜比其聖德者哉玄英法師者夙懷聰令立志夷簡神清齒亂之年體拔浮華之世凝情定室匿迹幽巖拙息三禪巡遊十地超六塵之境獨步迦維會一乘之旨隨機化物以中華之无質尋印度之真文遠涉恒河終期滿字頻登雪嶺更獲半珠問道徃還十有七載備通釋典利物

阿毗達磨集論卷第一 第四張壁

為心以貞觀十九年二月六日奉勅於弘福寺翻譯聖教要文凡六百五十七部引大海之法流洗塵勞而不竭傳智燈之長燄皎幽闇而恒明自非久植勝緣何以顯揚斯旨所謂法相當住齊三光之明我皇福臻同二儀之回伏見 御製衆經論序照古騰今理合金石之聲文抱風雲之潤洽輒以輕塵足岳墜露添流略舉大經以為斯記

大乘阿毗達磨集論卷第一

無著菩薩造

三藏法師玄奘奉

詔譯

本事分中三法品第一

本事與決擇是各有四種 三法攝應成諦法得論議幾何因取相 建立與次第義喻廣分別 集控頌應知
總界處各有幾蘊有五謂色蘊受蘊想蘊行蘊識蘊界有十八謂眼界色界眼識界耳界聲界耳識界鼻界香界鼻識界舌界味界舌識界身界觸界身識界意界法界意識界處有十二謂眼處色處耳處聲處鼻處香處

阿毗達磨集論卷第一 第五張壁

舌處味處身處觸處意處法處
何因蘊唯有五為顯五種我事故謂身具我事受用我事言說我事造作一切法非法我事彼所依止我自體事何因界唯十八由身具等能持過現六行受用性故何因處唯十二唯由身具能與未來六行受用為生長門故何故名取蘊以取合故名為取蘊何等為取謂諸蘊中所有欲貪何故欲貪說名為取謂於未來現在諸蘊能引不捨故希求未來添著現在欲貪名取何故界處名有取法應如蘊說色蘊何相變現相是色相此有二種一觸對變壞二方所示現云何名為觸對變壞謂由手足塊石刀杖寒熱飢渴蚊虻所觸對時即便變壞云何名為方所示現謂由方所可相示現如此如此色如是如是色或由定心或由不定尋思相應種種構畫受蘊何相領納相是受相謂由受故領納種種淨不淨業諸果異熟想蘊何相構了相是想相謂由想故構畫種種諸法像類隨所見聞覺知之義

阿毗達磨集論卷第一 第六張壁

起諸言說行蘊何相造作相是行相
謂由行故令心造作於善不善無記
品中驅役心故識蘊何相了別相是
識相謂由識故了別色聲香味觸法
種種境界眼界何相謂眼曾現見色
及此種子積集異熟阿賴耶識是眼
界相如眼界相耳鼻舌身意界相亦
尔色界何相謂色眼曾現見及眼界
於此增上足色界相如色界相聲香
味觸法界相亦尔眼識界何相謂依
眼緣色似色了別及此種子積集異
熟阿賴耶識是眼識界相如眼識界
相耳鼻舌身意識界相亦尔處何相
如界應知隨其所應

去何建立色蘊謂諸所有色若四大
種及四大種所造去何四大種謂地
界水界火界風界何等境界謂堅韌
性何等水界謂流濕性何等火界謂
溫熱性何等風界謂輕等動性去何
所造色謂眼根耳根鼻根舌根身根
色聲香味所觸一分及法處所攝色
何等眼根謂四大種所造眼識所依
清淨色何等耳根謂四大種所造耳

阿毗達磨集論卷第一 第七經 壁

識所依清淨色何等鼻根謂四大種
所造鼻識所依清淨色何等舌根謂
四大種所造舌識所依清淨色何等
身根謂四大種所造身識所依清淨
色何等為色謂四大種所造眼根所
行義謂青黃赤白長短方圓麤細高
下正不正光影明闇雲烟塵霧迥色
表色空一顯色此復三種謂妙不妙
俱相違色何等為聲謂四大種所造
耳根所取義或可意或不可意或俱
相違或執受大種為因或不執受大
種為因或俱大種為因或世所極成
或成所引或遍計所起或聖言所攝
或非聖言所攝何等為香謂四大種所
造鼻根所取義謂好香惡香平等香
俱生香和合香變異香何等為味謂
四大種所造舌根所取義謂苦酢甘
辛鹹淡或可意或不可意或俱相違
或俱生或和合或變異何等所觸一
分謂四大種所造身根所取義謂滑
性澁性輕性重性軟性緩急冷飢渴
飽力劣悶癢黏病老死疲息勇何等
法處所攝色有五種應知謂極略色

阿毗達磨集論卷第一 第八經 壁

極迥色受所引色遍計所起色定自
在所生色

去何建立受蘊謂六受身眼觸所生
受耳觸所生受鼻觸所生受舌觸所
生受身觸所生受意觸所生受如是
六受身或樂或苦或不苦不樂復有
樂身受苦身受不苦不樂身受樂心
受苦心受不苦不樂心受復有樂有
味受苦有味受不苦不樂有味受樂
无味受苦無味受不苦不樂无味受
復有樂依耽嗜受苦依耽嗜受不苦
不樂依耽嗜受樂依出離受苦依出
離受不苦不樂依出離受何等身受
謂五識相應受何等心受謂意識相
應受何等有味受謂自體愛相應受
何等无味受謂此受不相應受何等
依耽嗜受謂妙五欲愛相應受何等
依出離受謂此受不相應受去何建
立想蘊謂六想身眼觸所生想耳觸
所生想鼻觸所生想舌觸所生想身
觸所生想意觸所生想由此想故或
了有相或了无相或了小或了大或
了無量或了无少所有無所有處何

阿毗達磨集論卷第一 第九經 壁

等有相想謂除不善言說无想界定
及有頂定想所餘諸想何等無相想
謂所餘想何等小想謂能了欲界想
何等大想謂能了色界想何等无量
想謂能了空無邊處識无边處想何
等無少所有无所所有處想謂能了无
所有處想

云何建立行蘊謂六思身眼觸所生
思耳觸所生思鼻觸所生思舌觸所
生思身觸所生思意觸所生思由此
思故思作諸善思作雜染思作分位
差別又即此思除受及想與餘心所
法心不相應行總名行蘊何等名為
餘心所法謂作意觸欲勝解念三摩
地慧信慙愧无貪無瞋无癡勤安不
放逸捨不害貪瞋慢無明疑薩迦耶
見邊執見見取戒禁取邪見忿恨覆
惱嫉慳誑諂憍害无慚無愧昏沉掉
舉不信懈怠放逸忘念不正知散亂
睡眠惡作尋伺
何等為思謂於心造作意業為體於
善不善元記品中役心為業何等作
意謂發動心為體於所緣境持心為

阿毗達磨集論卷第一 第十頌 壁

業何等為觸謂依三和合諸根變異
分別為體受所依為業何等為欲謂
於所樂事彼彼引發所作希望為體
正勤所依為業何等勝解謂於決定
事隨所決定印持為體不可引轉為
業何等為念謂於串習事令心明記
不忘為體不散亂為業何等三摩地
謂於所觀事令心一境為體智所依
止為業何等為慧謂於所觀事擇法
為體斷疑為業

何等為信謂於有體有德有能忍可
清淨希望為體樂欲所依為業何等
為慙謂於諸過惡自著為體惡行止
息所依為業何等為愧謂於諸過惡
著他為體業如慙說何等无貪謂於
有有具無著為體惡行不轉所依為
業何等无瞋謂於諸有情苦及苦具
無恚為體惡行不轉所依為業何等
无癡謂由報教證智決擇為體惡行
不轉所依為業何等為勤謂心勇悍
為體或被甲或加行或無下或无退
或無足差別成滿善品為業何等為
安謂止息身心廣重身心調暢為體

阿毗達磨集論卷第一 第十頌 壁

除遣一切障礙為業何等不放逸謂
依止正勤無貪无瞋無癡修諸善法
於心防護諸有漏法為體成滿一切
世出世福為業何等為捨謂依止正
勤无貪無瞋无癡與雜染住相違心
平等性心正直性心无功用住性為
體不容雜染所依為業何等不害謂
無瞋善根一分心悲愍為體不損惱
為業

何等為貪謂三界受為體生眾苦為
業何等為瞋謂於有情苦及苦具心
恚為體不安隱住惡行所依為業何
等為慢謂依止薩迦耶見心高舉為
體不敬苦生所依為業何等无明謂
三界無知為體於諸法中邪決定疑
雜生起所依為業何等為疑謂於諦
猶豫為體善品不生所依為業何
等薩迦耶見謂於五取蘊等隨觀執
我及我所諸忍欲覺觀見為體一切
見趣所依為業何等邊執見謂於五
取蘊等隨觀執或斷或常諸忍欲覺
觀見為體障處中行出離為業何等
見取謂於諸見及見所依五取蘊等

阿毗達磨集論卷第一 第十頌 壁

隨觀執為寂為勝為上為妙諸忍欲
 覺觀見為體執不正見所依為業何
 等戒禁取謂於諸戒禁及戒禁所依
 五取蘊等隨觀執為清淨為解脫為
 出離諸忍欲覺觀見為體勞而无果
 所依為業何等邪見謂誇因誇果或
 誇作用或壞實事或邪分別諸忍欲
 覺觀見為體斷善根為業及不善根
 堅固所依為業不善生起為業善不
 生起為業如是五見幾增益見幾損
 減見四是增益見謂於所知境增益
 自性及差別故於諸見中增益第一
 及清淨故一多分是損減見計前後
 際所有諸見彼於此五幾見所攝謂
 或二或一切於不可記事所有諸見
 彼於此五幾見所攝謂或二或一切
 薄伽梵觀何過失故於蘊界處以五
 種相非毀執我由觀彼攝受薩迦耶
 見者有五種過失故謂異相過失无
 常過失不自在過失無身過失不由
 功用解脫過失於五取蘊有二十句
 薩迦耶見謂計色是我我有諸色色
 屬於我我在色中如是計受想行識

阿毗達磨集論卷第一第十三張壁

是我我有識等識等屬我我在識等
 中於此諸見幾是我見幾是我所見
 謂五是我見十五是我所見何因十
 五是我所見由相應我所故隨轉我
 所故不離我所故薩迦耶見當言於
 事了不了耶當言於事不得決了如
 於繩上妄起地解
 何等為忿謂於現前不饒益相瞋之
 一分心怒為體執杖憤發所依為業
 何等為恨謂自此已後即瞋一分懷
 怨不捨為體不忍所依為業何等為
 覆謂於所作罪他正舉時癡之一分
 隱藏為體悔不安住所依為業何等
 為惱忿恨居先瞋之一分心戾為體
 高暴戾言所依為業生起非福為業
 不安隱住為業何等為嫉謂耽著利
 養不耐他榮暎之一分心妬為體令
 心憂戚不安隱住為業何等為慳謂
 耽著利養於資生具貪之一分心恡
 為體不捨所依為業何等為誑謂耽
 著利養貪癡一分詐現不實功德為
 體邪命所依為業何等為詭謂耽著
 利養貪癡一分矯設方便隱實過惡

阿毗達磨集論卷第一第十四張壁

為體障正教授為業何等為憍謂或
 依少年无病長壽之相或得隨一有
 漏榮利之事貪之一分令心悅豫為
 體一切煩惱及隨煩惱所依為業何
 等為害謂瞋之一分無哀无悲無愍
 為體損惱有情為業何等无慙謂貪
 瞋癡分於諸過惡不自著為體一切
 煩惱及隨煩惱助伴為業何等无愧
 謂貪瞋癡分於諸過惡不著他為體
 一切煩惱及隨煩惱助伴為業何等
 昏沉謂愚癡分心无堪任為體障毗
 鉢舍那為業何等掉舉謂貪欲分隨
 念淨相心不寂靜為體障奢摩他為
 業何等不信謂愚癡分於諸善法心
 不忍可心不清淨心不希望為體懈
 怠所依為業何等懈怠謂愚癡分依
 著睡眠倚卧為樂心不策勵為體障
 修方便善品為業何等放逸謂依懈
 怠及貪瞋癡不修善法於有漏法心
 不防護為體增惡損善所依為業何
 等忘念謂諸煩惱相應念為體散亂
 所依為業何等不正知謂諸煩惱相
 應慧為體由此慧故起不正知身語

阿毗達磨集論卷第一第十五張壁

心行毀所依為業何等散亂謂貪瞋
癡分心流散為體此復六種謂自性
散亂外散亂內散亂相散亂廣重散
亂作意散亂云何自性散亂謂五識
身云何外散亂謂正修善時於五妙
欲其心馳散云何內散亂謂正修善
時沉掉味著云何相散亂謂為他歸
信矯示修善云何廣重散亂謂依我
我所執及我慢品廣重力故修善法
時於已生起所有諸受起我我所及
與我慢執受間雜取相云何作意散
亂謂依餘乘餘定若依若入所有流
散能障離欲為業

何等睡眠謂依睡眠因緣是愚癡分
心略為體或善或不善或無記或時
或非時或應尔或不應尔越失可作
所依為業何等惡作謂依樂作不樂
作應作不應作是愚癡分心追悔為
體或善或不善或無記或時或非時
或應尔或不應尔能障心住為業何
等為尋謂或依思或依慧尋求意言
令心展轉為體何等為伺謂或依思
或依慧伺察意言令心細轉為體如

阿毘達磨集論卷第一 第六張 壁

是二種安不安住所依為業

復次諸善心所斷自所治為業煩惱
隨煩惱障自能治為業

何等名為心不相應行謂得無想定
滅盡定無想定異熟命根眾同分生老
住無常名身向身文身異生性流轉
定異相應勢速次第時方數和合等
何等為得謂於善不善無記法若增
若減假立獲得成就何等無想定謂
已離遍淨欲未離上欲出離想作意
為先故於不恒行心心所滅假立無
想定何等滅盡定謂已離无所有處
欲超過有頂斷息想作意為先故於
不恒行諸心心所及恒行一分心心
所滅假立滅盡定何等無想定熟謂
已生无想有情天中於不恒行心心
所滅假立無想定熟何等命根謂於
眾同分先業所引住時決定假立命
根何等眾同分謂如是如有情於
種種類自體相似假立眾同分何等
為生謂於眾同分諸行本无今有假
立為生何等為老謂於眾同分諸行
相續變異假立為老何等為住謂於

阿毘達磨集論卷第一 第六張 壁

眾同分諸行相續不變壞假立為住

何等無常謂於眾同分諸行相續變
壞假立无常何等名身謂於諸法自
性增言假立名身何等向身謂於諸
法差別增言假立向身何等文身謂
於彼二所依諸字假立文身此言文
者能彰彼二故此又名顯能顯彼義
故此復名字無異轉故何等異生性
謂於聖法不得假立異生性何等流
轉謂於因果相續不斷假立流轉何
等定異謂於因果種種差別假立定
異何等相應謂於因果相稱假立相
應何等勢速謂於因果迅疾流轉假
立勢速何等次第謂於因果一一流
轉假立次第何等為時謂於因果相
續流轉假立為時何等為方謂於東
西南北四維上下因果差別假立為
方向何等為數謂於諸行一一差別假
立為數何等和合謂於因果眾緣集
會假立和合

云何建立識蘊謂心意識差別何等
為心謂蘊界處習氣所熏一切種子
阿賴耶識亦名異熟識亦名阿陀那

阿毘達磨集論卷第一 第六張 壁

識以能積集諸習氣故何等為意謂一切時緣何賴不識思度為性與四煩惱恒相應謂我見我愛我慢無明此意遍行一切善不善无記位唯除聖道現前若處滅盡定及在無學地又六識以無間滅識為意何等為識謂六識身眼識耳識鼻識舌識身識意識何等眼識謂依眼緣色了別為性何等耳識謂依耳緣聲了別為性何等鼻識謂依鼻緣香了別為性何等舌識謂依舌緣味了別為性何等身識謂依身緣觸了別為性何等意識謂依意緣法了別為性

云何建立界謂色蘊即十界眼界色界耳界聲界鼻界香界舌界味界身界觸界及意界一分受蘊想蘊行蘊即法界一分識蘊即七識界謂眼等六識界及意界

何等界法蘊不攝耶謂法界中諸無為法此无為法復有八種謂善法真如不善法真如無記法真如虚空非擇滅擇滅不動及想受滅何等善法真如謂無我性亦名空性無相實際

阿毘達磨集論卷第一 第二張 壁

勝義法界何故真如說名真如謂彼自性无變異故何故真如名無我性離二我故何故真如名為空性一切雜染所不行故何故真如名為無相以一切相皆寂靜故何故真如名為實際以无顛倒所緣性故何故真如名為勝義取勝聖智所行處故何故名真如名為法界一切聲聞獨覺諸佛妙法所依相故如善法真如當知不善法真如無記法真如亦尔何等虚空謂无色性容受一切所作業故何等非擇滅謂是滅非離繫何等擇滅謂是滅是離繫何等不動謂已離遍淨欲未離上欲苦樂滅何等想受滅謂已離无所有處欲超過有頂暫息想作意為先故諸不恒行心心所滅及恒行一分心心所滅又若五種色若受想行蘊及此所說八無為法如是十六名法界

云何建立處謂十色界即十色處七識界即七識處法界即法處

由此道理諸蘊界處三法所攝謂色蘊法界意處如說眼及眼界若有眼

阿毘達磨集論卷第一 第二張 壁

亦眼界耶設有眼界亦眼耶或有眼非眼界謂阿羅漢寂後眼或有眼界非眼謂處如殼羯邏藍時頰部曇時開尸時在母腹中若不得眼設得已失若生無色異生所有眼因或有眼亦眼界謂所餘位或有无眼無眼界謂已入無餘依涅槃界及諸聖者生无色界如眼與眼界如是耳鼻舌身與耳等界隨其所應盡當知若有意亦眼界耶設有意界亦意耶或有意非意謂處滅定者所有意因或有意非意謂所餘位或有无意無意界謂已入无餘依涅槃界若生長彼地即用彼地眼還見彼地色耶或有即用彼地眼還見彼地色或復餘地謂生長欲界用色塵眼見欲塵色或用色塵上地眼見下地色如以眼對色如是以耳對聲如生長欲界如是生長色界若生長欲界即以欲塵鼻舌身還與嘗覺欲塵香味觸若生長色界即以色塵身還覺自地觸彼界自性定無香味離段食貪故由此道理

阿毘達磨集論卷第一 第三張 壁

亦无鼻舌兩識若生長欲界即以欲
塵意知三界法及無漏法如生長欲
界如是生長色界若生長无色界以
無色塵意知无色塵自地法及無漏
法若以无漏意知三界法及無漏法
何故諸蘊如是次第由識住故謂四
識住及識又前為後依故如其色相
而領受故如所領受而了知故如所
了知而思作故如所思作隨彼彼處而
了別故又由染汙清淨故謂若於是
處而起染淨若由領受取相造作故
染汙清淨若所染汙及所清淨由此
理故說蓋次第

何故諸界如是次第由隨世事差別
轉故去何世事差別而轉謂諸世間
取初相見既相見已更相問評既問
評已即受沐浴塗香花鬘次受種種
上妙飲食次受種種卧具侍女然後
意界處處分別以內界次第故建立
外界隨此次第建立識界如界次第
處亦如是蓋義云何諸所有色若過
去若未來若現在若內若外若塵若
細若劣若勝若遠若近彼一切略說

阿毗達磨集論卷第一 第三十二

一色蘊積聚義故如財貨蘊如是乃
至識蘊又苦相廣大故名為蘊如大
材蘊如契經言如是絀大苦蘊集故
又荷雜染擔故名為蘊如有荷擔
界義云何一切法種子義又能持自
相義又能持因果性義又攝持一切
法差別義處義云何識生長門義是
處義

大乘阿毗達磨集論卷第一

壬寅歲高麗國大藏都監奉

勅雕造

阿毗達磨集論卷第一 第三十二

大乘阿毗達磨集論卷第一

校勘記

- 一 底本，麗藏本。
- 一 卷首兩篇序文，唯石、麗有之，資、
磧、晉、南、經、清無。
- 一 六〇六頁上二行「太宗文皇帝製」，
石作「御製」。
- 一 六〇六頁中一七行首字「露」，石
作「雨」。
- 一 六〇七頁中一三行「三藏」，經、清
作「唐三藏」，以下各卷同。
- 一 六〇七頁中一四行「第一」，經、清
作「第一之一」。
- 一 六〇七頁下五行「何因界」，資、磧、
晉、南、經、清作「何因何界」。
- 一 六〇八頁中一〇行「所取」，資、
磧、晉、南、經、清作「可取」。
- 一 六〇八頁中一四行第一四字「種」，
諸本無。
- 一 六〇八頁下一行第一三字「定」，
資、磧、晉、南、經、清無。

一 六〇九頁上一八行首字「惱」，**石**作「害」。

一 六〇九頁下一五行「無知」，**資**、**磧**、**普**、**南**、**徑**、**清**作「無智」。

一 六一〇頁下一行「教授」，**資**、**磧**、**普**、**南**、**徑**、**清**作「教受」。

一 六一一頁上五行「五妙」，**徑**作「正妙」。

一 六一一頁上一六行「越失」，**資**、**磧**、**普**、**南**、**徑**、**清**作「遺失」。

一 六一一頁上一八行末字「為」，**徑**作「無」。

一 六一一頁下一二行第一一字「稱」，**資**、**磧**、**普**、**南**、**徑**、**清**作「續」。

一 六一二頁上一〇行第一一字「謂」，**資**、**磧**、**普**、**南**、**徑**、**清**無。

一 六一二頁中一行第二字「義」，**資**、**磧**、**普**、**南**、**徑**、**清**無。

一 六一二頁中一五行第一三字「暫」，**資**作「繫」。

一 六一二頁中一八行「此所」，**徑**作「助所」。

一 六一二頁下一七行第七字「塵」，**資**、**磧**、**普**、**南**、**徑**、**清**作「纏」，下同。

一 六一三頁中一行「財貨」，**資**、**磧**、**普**、**南**、**徑**、**清**作「財貨聚」。

一 六一三頁中一二行第九字「故」，**資**、**磧**、**普**、**南**、**徑**、**清**無。



大乘阿毗達磨集論卷第二

壁

無著菩薩造

三藏法師玄奘奉

詔譯

本事分中三法品第一之二

復次蘊界處廣分別云何。嗚柁南曰：實有性等所知等色等漏等已生等過去世等諸緣等。云何幾種為何義？蘊界處中云何實有幾是實有為何義？故觀實有耶謂不待名言此餘根境是實有義一切皆是實有為捨執者實有我故觀察實有。

云何假有幾是假有為何義？故觀假有耶謂待名言此餘根境是假有義一切皆是假有為捨執者實有我故觀察假有。

云何世俗有幾是世俗有為何義？故觀世俗有耶謂雜染所緣是世俗有義一切皆是世俗有為捨執者雜染相我故觀察世俗有云何勝義有幾是勝義有為何義？故觀勝義有耶謂清淨所緣是勝義有義一切皆是勝義有為捨執者清淨相我故觀察勝

義有云何所知幾是所知為何義？故觀所知耶謂所知有五種一色二心三心所有法四心不相應行五無為。若於是處雜染清淨若所雜染及所清淨若能雜染及能清淨若於此分位若此清淨性由依此故一切皆是所知。此中色謂色蘊十色界十色處及法界法處所攝諸色心謂識蘊七識界及意處心所有法謂受蘊想蘊相應行蘊及法界法處一分心不相應行謂不相應行蘊及法界法處一分無為謂法界法處一分又所知法者謂勝解智所行故道理智所行故不散智所行故內證智所行故他性智所行故下智所行故上智所行故。狀患智所行故不起智所行故无生智所行故智智所行故究竟智所行故大義智所行故是所知義一切皆是所知為捨執者知者見者我故觀察所知。

云何所知幾是所知為何義？故觀所知耶謂無分別故有分別故因故轉故相故相所生故能治所治故微細

阿毘達磨集論卷第三 第一 總論

差別故是所識義一切皆是所識為捨執者能見者等我故觀察所識
 云何所通達幾是所通達為何義故觀所通達耶謂轉變故隨聞故入行故來故往故出離故是所通達義一切皆是所通達為捨執者有威德我故觀察所通達
 云何有色幾是有色為何義故觀有色耶謂色自性故依大種故慧集故有方所故處遍滿故方所可說故方處所行故二同所行故相屬故隨逐故顯了故變壞故顯示故積集建立故外門故內門故長遠故分限故暫時故示現故是有色義一切皆是有色或隨所應為捨執者有色我故觀察有色
 云何無色幾是无色為何義故觀無色耶謂有色相違是无色義一切皆是無色或隨所應為捨執者无色我故觀察無色
 云何有見幾是有見為何義故觀有見耶謂眼所行境是有見義餘差別如有色說一切皆是有見或隨所應

阿毘達磨集論卷第三 第一 總論

為捨執者眼境我故觀察有見
 云何无見幾是无見為何義故觀无見耶謂有見相違是无見義一切皆是无見或隨所應為捨執者非眼境我故觀察無見
 云何有對幾是有對為何義故觀有對耶謂諸有見者皆是有對又三因故說名有對謂種類故積集故不修治故種類者謂諸色法牙為能礙牙為所礙積集者謂極微已上不修治者謂非三摩地自在轉色又損害依處是有對義一切皆是有對或隨所應為捨執者不遍行我故觀察有對
 云何无對幾是无對為何義故觀无對耶謂有對相違是无對義一切皆是無對或隨所應為捨執者遍行我故觀察无對
 云何有漏幾是有漏為何義故觀有漏耶謂漏自性故漏相屬故漏所縛故漏所隨故漏隨順故漏種類故是有漏義五取蘊十五界十處全及三界二處少分是有漏為捨執者漏合我故觀察有漏

阿毘達磨集論卷第三 第一 總論

云何无漏幾是无漏為何義故觀无漏耶謂有漏相違是无漏義五無取蘊全及三界二處少分是无漏為捨執者離漏我故觀察無漏
 云何有淨幾是有淨為何義故觀有淨耶謂依如是貪瞋癡故執持刀杖發起一切闍訟違淨彼自性故彼相屬故彼所縛故彼所隨故彼隨順故彼種類故是有淨義乃至有淨有淨亦有淨亦為捨執者淨合我故觀察有淨
 云何無淨幾是无淨為何義故觀無淨耶謂有淨相違是无淨義乃至無淨有淨亦無淨亦為捨執者離淨我故觀察無淨
 云何有染幾是有染為何義故觀有染耶謂染如是貪瞋癡故染著後有自身被自性故彼相屬故彼所縛故彼隨逐故彼隨順故彼種類故是有染義乃至有染有染亦有染亦為捨執者染合我故觀察有染
 云何无染幾是无染為何義故觀无染耶謂有染相違是无染義乃至无

諍有介所量無染亦介為捨執者離
染我故觀察无染

云何依耽嗜幾是依耽嗜為何義故
觀依耽嗜耶謂依如是貪瞋癡故染
著五欲彼自性故彼相屬故彼所縛
故彼隨逐故彼隨順故彼種類故是
依耽嗜義乃至有染有介所量依耽
嗜亦介為捨執者耽嗜合我故觀察
依耽嗜

云何依出離幾是依出離為何義故
觀依出離耶謂依耽嗜相違是依出
離義乃至无染有介所量出離亦介
為捨執者離耽嗜我故觀察出離
云何有為幾是有為何義故觀有
為耶謂若法有生滅住異可知是有
為義一切皆是有為唯除法界法處
一分為捨執者无常我故觀察有為
云何無為幾是无為何義故觀无
為耶謂有為相違是無為義法界法
處一分是无為為捨執者常住我故
觀察無為无取五蘊當言有為當言
無為彼不應言有為无為何以故諸
業煩惱所不為故不應言有為隨欲

現前不現前故不應言无為如世尊
說法有二種謂有為無為云何今說
此法非有為非無為若由此義說名
有為不以此義說名无為若由此義
說名無為不以此義說名有為依此
道理唯說二種

云何世間幾是世間為何義故觀世
間耶謂三界所攝及出世智後所得
似彼顯現是世間義諸蘊一分十五界
十處全及三界二處一分是世間為
捨執者世依我故觀察世間

云何出世幾是出世為何義故觀出
世耶謂能對治三界无顛倒無戲論
无分別故是无分別出世間義又出
世後所得亦名出世依止出世故是
出世義諸蘊一分及三界二處一分
是出世為捨執者獨存故觀察出世
云何已生幾是已生為何義故觀已
生耶謂過去現在是已生義一切一
分是已生為捨執者非常我故觀察
已生又有二十四種已生謂取初已
生相續已生長養已生依止已生轉
變已生成熟已生退墮已生勝進已

生清淨已生不清淨已生運轉已生
有種已生无種已生影像自在示現
已生展轉已生剎那壞已生離會已
生異位已生生死已生成壞已生先
時已生死時已生中時已生續時已生
云何非已生幾是非已生為何義故
觀非已生耶謂未來及無為法是非
已生義一切一分是非已生為捨執
者常住我故觀察非已生又已生相
違是非已生義

云何能取幾是能取為何義故觀能
取耶謂諸色根及心心所是能取義
二蘊全色行蘊一分十二界六處全
及法界法處一分是能取為捨執者
能受用我故觀察能取又能取有四
種謂不至能取至能取自相現在各
別境界能取自相共相一切時一切
境界能取又由和合識等生故假立
能取
云何所取幾是所取為何義故觀所
取耶謂諸能取亦是所取或有所取
非能取謂唯是取所行義一切皆是
所取為捨執者境界我故觀察所取

何到這處論卷第二第九

云何外門幾是外門為何義故觀外門耶謂欲界所繫法是外門義除依佛教所生聞思慧及彼隨法行所攝心心所等四界二處全及餘一分欲界所攝是外門為捨執著不離欲我故觀察外門

云何內門幾是內門為何義故觀內門耶謂外門相違是內門義除四界二處全及餘一分是內門為捨執著離欲我故觀察內門

云何染汗幾是染汗為何義故觀染汗耶謂不善及有覆無記法是染汗義有覆無記者謂遍行意相應煩惱等及色无色界繫諸煩惱等諸蘊十界四處一分是染汗為捨執著煩惱合我故觀察染汗

云何不染汗幾是不染汗為何義故觀不染汗耶謂善及無覆無記法是不染汗義八界八處全諸蘊及餘界處一分是不染汗為捨執著離煩惱我故觀察不染汗

云何過去幾是過去為何義故觀過去耶謂自相已生已滅故因果已受

何到這處論卷第二第十

用故染淨功用已謝故攝因已壞故果及自相有非有故憶念分別相故戀為雜染相故捨為清淨相故是過去義一切一分是過去為捨執著流轉我故觀察過去

云何未來幾是未來為何義故觀未來耶謂有因非已生故未得自相故因果未受用故雜染清淨性未現前故因及自相有非有故希為雜染相故不希為清淨相故是未來義一切一分是未來為捨執著流轉我故觀察未來

云何現在幾是現在為何義故觀現在耶謂自相已生未滅故因果受用未受用故雜染清淨正現前故能顯過去未來相故作用現前故是現在義一切一分是現在為捨執著流轉我故觀察現在

何故過去未來現在說名言事非涅槃等內自所證不可說故唯曾當現是言說所依故

云何善幾是善為何義故觀善耶謂自性故相屬故隨逐故發起故勝義

何到這處論卷第二第十一

故生得故加行故現前供養故饒益故引攝故對治故寂靜故等流故是善義五蘊十界四處一分是善為捨執著法合我故觀察善何等自性善謂信等十一心所有法何等相屬善謂彼相應法何等隨逐善謂即彼諸法習氣何等發起善謂彼所發身業語業何等勝義善謂真如何等生得善謂即彼諸善法由先串習故感得如是報由此自性即於是處不由思惟任運樂住何等加行善謂依止親近善丈夫故聽聞正法如理作意修習淨善法隨法行何等現前供養善謂想對如來建立靈廟畫寫尊容或想對正法書治法藏興供養業何等饒益善謂以四攝事饒益一切有情何等引攝善謂施性福業事及戒性福業事故引攝生天樂異熟引攝生富貴家引攝隨順清淨法何等對治善謂厭壞對治斷對治持對治遠分對治伏對治離繫對治煩惱障對治所知障對治何等寂靜善謂永斷貪欲永斷瞋恚永斷愚癡永斷一切煩

惱若受滅若有餘依涅槃界若無餘依涅槃界若無所住涅槃界何等流善謂已得寂靜者由此增上力故發起勝品神通等世出世共不共功德云何不善幾是不善為何義故觀不善耶謂自性故相屬故隨逐故發起故勝義故生得故加行故現前供養故損害故引攝故所治故障礙故是不善義五蘊十界四處一分是不善為捨執者非法合我故觀察不善何等自性不善謂除染汙意相應及色无色界煩惱等所餘能發惡行煩惱隨煩惱何等相屬不善謂即此煩惱隨煩惱相應法何等隨逐不善謂即彼習氣何等發起不善謂彼所起身業語業何等勝義不善謂一切流轉何等生得不善謂由串習不善故感得如是異熟由此自性即於不善任運樂住何等加行不善謂依止親近不善丈夫故聽聞不正法不如理作意行身語意惡行何等現前供養不善謂想對歸依隨一天眾已或煞害意為先或邪惡意為先建立祠廟廣

興供養業令无量眾廣樹非福何等損害不善謂於一切處起身語意種種邪行何等引攝不善謂行身語意諸惡行已於惡趣善趣引攝不愛果異熟或引或滿何等所治不善謂諸對治法何等障礙不善謂能障礙諸善品法云何無記幾是无記為何義故觀無記耶謂自性故相屬故隨逐故發起故勝義故生得故加行故現前供養故饒益故受用故引攝故對治故寂靜故等流故是无記義八界八處全及餘蘊界處一分是无記為捨執者離法非法我故觀察無記何等自性无記謂八色界處意相應品命根眾同分名句文身等何等相屬無記謂依非穢非淨心者所有由名句文身所攝受心心所法何等隨逐無記謂即彼戲論習氣何等發起无記謂彼所攝受諸心心所法所發身業語業何等勝義無記謂虛空非擇滅何等生得無記謂諸不善有漏善法異熟何等加行无記謂非染非善心者所

有威儀路工巧處法何等現前供養無記謂如有一想對歸依隨一天眾遠離煞害意邪惡見建立祠廟興供養業令無量眾於如是處不生長福非福何等饒益无記謂如有一於自僕使妻子等所以非穢非淨心而行惠施何等受用無記謂如有一以无簡擇无染汙心受用資具何等引攝無記謂如有一於工巧處串習故於當來世復引攝如是相身由此身故習工巧處速疾究竟何等對治無記謂如有一為治疾病得安樂故以簡擇心好服醫藥何等寂靜无記謂色无色界諸煩惱等由奢摩他所蔽伏故何等等流无記謂變化心俱生品復有示現善不善無記法此復云何謂佛及得第一究竟善薩摩訶薩為欲饒益諸有情故有所示現當知此中无有一法真實可得云何欲界繫幾是欲界繫為何義故觀欲界繫耶謂未離欲者所有善不善無記法是欲界繫義四界二處全及餘蘊界處一分是欲界繫為捨執

阿毗達磨集論卷第三 第五 離欲

善未離欲界欲我故觀察欲界繫

云何色界繫幾是色界繫為何義故
觀色界繫耶謂已離欲界欲未離色
界欲者所有善元記法是色界繫義
除前所說四界二處餘蘊界處一分
是色界繫為捨執者離欲界欲我故
觀察色界繫

云何無色界繫幾是无色界繫為何
義故觀无色界繫耶謂已離色界欲
未離無色界欲者所有善元記法是
無色界繫義三界二處四蘊一分是
无色界繫為捨執者離色界欲我故
觀察無色界繫

復次有一分離欲具分離欲通達離
欲損伏離欲永害離欲復有十種離
欲謂自性離欲損害離欲任持離欲
增上離欲愚癡離欲對治離欲遍知
離欲永斷離欲有上離欲无上離欲
何等自性離欲謂於苦受及順苦受
處法生厭背性何等損害離欲謂習
欲者暢熱惱已生厭背性何等任持
離欲謂飽食已於諸美膳生厭背性
何等增上離欲謂得勝處已於下劣

阿毗達磨集論卷第三 第六 離學

處生厭背性何等愚癡離欲謂諸愚
夫於沮勝界生厭背性何等對治離
欲謂由世間出世間道斷諸煩惱何
等遍知離欲謂已得見道者於三界
法生厭背性何等永斷離欲謂永斷
地地諸煩惱已生厭背性何等有上
離欲謂世間聲聞獨覺所有離欲何
等无上離欲謂佛菩薩所有離欲為
欲利樂諸有情故

云何有學幾是有學為何義故觀有
學耶謂求解脫者所有善法是有學
義十界四處諸蘊一分是有學為捨
執者求解脫我故觀察有學

云何無學幾是无學為何義故觀无
學耶謂於諸學處已得究竟者所有
善法是无學義為捨執者已脫我故
觀察无學

云何非學非无學幾是非學非無學
為何義故觀非學非无學耶謂諸異
生所有善不善無記法及諸學者染
汙无記法諸無學者无記法并無為
法是非學非无學義八界八處全及
餘蘊界處一分是非學非無學為捨

阿毗達磨集論卷第三 第七 斷

執者不解脫我故觀察非學非无學
云何見所斷幾是見所斷為何義故
觀見所斷耶謂分別所起染汙見疑
見處疑處及於見等所起邪行煩惱
隨煩惱及由見等所發身語意業并
一切惡趣等蘊界處是見所斷義一切
一分是見所斷為捨執者見圓滿我
故觀察見所斷

云何修所斷幾是修所斷為何義故
觀修所斷耶謂得見道後見所斷相
違諸有漏法是修所斷義一切一分
是修所斷為捨執者修圓滿我故觀
察修所斷

云何非所斷幾是非所斷為何義故
觀非所斷耶謂諸无漏法除順決擇
分是非所斷十界四處諸蘊一分是
非所斷為捨執者成滿我故觀察非
所斷

云何緣生幾是緣生為何義故觀緣
生耶謂相故分別支故略攝支故建
立支緣故建立支業故支難染攝故
義故甚深故老別故順逆故是緣生
義一切皆是緣生唯除法界法處一

分諸無為法捨執著无因不平等因
我法故觀察緣生

何等相故謂无作緣生故無常緣生
故勢用緣生故是緣生相

何等分別支故謂分別緣生為十二
分何等十二謂无明行識名色六處
觸受愛取有生及老死

何等略攝支故謂能引支所引支能
生支所生支能引支者謂無明行識
所引支者謂名色六處觸受能生支
者謂愛取有所生支者謂生老死

何等建立支緣故謂習氣故引發故
思惟故俱有故建立支緣隨其所應
何等建立支業故謂无明有二種業
一令諸有情於有愚癡二與行作緣
行有二種業一令諸有情於諸趣中
種種差別二與識作緣由熏習故識
有二種業一持諸有情所有業縛二
與名色作緣名色有二種業一攝諸
有情自體二與六處作緣六處有二
種業一攝諸有情自體圓滿二與觸
作緣觸有二種業一令諸有情於所
受用境界流轉二與受作緣受有二

阿毗達磨集論卷第二 第七張 摩訶止持

種業一令諸有情於所受用生果流
轉二與愛作緣愛有二種業一引諸
有情流轉生死二與取作緣取有二
種業一為取後有令諸有情發有取
識二與有作緣有有二種業一令諸
有情後有現前二與生作緣生有二
種業一令諸有情名色六處觸受次
第生起二與老死作緣老死有二種
業一數令有情時分變異二數令有
情壽命變異何等支雜染攝故謂若
無明若愛若取是煩惱雜染所攝若
行若識若有是業雜染所攝餘是生
雜染所攝

何等義故謂无作者義有因義離有
情義依他起義無作用義无常義有
剎那義因果相續不斷義因果相似
攝受義因果差別義因果決定義是
緣起義

何等甚深故謂因其深故相甚深故
生甚深故住甚深故轉甚深故是甚
深義又諸緣起法雖剎那滅而住可
得雖無作用緣而有功能緣可得雖
離有情而有情可得雖无作者而諸

阿毗達磨集論卷第二 第七張 摩訶止持

業果不壞可得是故其深又諸緣起
法不從自生不從他生不從共生非
不自作他作因生是故甚深
何等差別故謂識生差別故內死生
差別故外穀等生差別故成壞差別
故食持差別故愛非愛趣分別差別
故清淨差別故威德差別故是差別義
何等順逆故謂雜染順逆故清淨順
逆故是說緣起順逆義

大乘阿毗達磨集論卷第二

大乘阿毗達磨集論卷第二

校勘記

- 一 底本，金藏廣勝寺本。
- 一 六一五頁中一九行第三字「故」，
[徑]作「是」。
- 一 六一六頁中七行第四字「諸」，[資]、
[磧]、[普]、[南]、[徑]、[清]無。
- 一 六一六頁下一七行「後有」，[徑]作
「彼有」。
- 一 六一六頁下二〇行「有諍」，[徑]作
「有淨」。
- 一 六一七頁上一行首字「諍」，[資]、
[磧]、[普]、[南]、[徑]、[清]作「淨」。
- 一 六一七頁中一七行第九字「存」，
諸本作「存我」。
- 一 六一七頁下二二行首字「非」，[資]、
[磧]、[普]、[南]、[徑]、[清]作「非是」。
- 一 六一九頁上一行「若想」，[徑]作「故
想」。
- 一 六一九頁中五行末字「諸」，諸本
作「諸對治所」。
- 一 六一九頁中一七行首字「依」，諸
本作「懷」。
- 一 六一九頁下七行第一三字「以」，
[石]作「心」。
- 一 六二一頁上一行第六字「捨」，諸
本作「為捨」。
- 一 六二二頁中二行第三字「與」，[石]
作「俱」。

趙城縣廣勝寺



大乘阿毗達磨集論卷第三

壁

無著菩薩造

三藏法師玄奘奉

詔譯

本事分中三法品第一之三

云何緣幾是緣為何義故觀緣耶謂因故等無間故所緣故增上故是緣義一切是緣為捨執著我為因法故觀察緣

何等因緣謂阿賴耶識及善習氣又自性故差別故助伴故等行故增益故障礙故攝受故是因緣義自性者謂能作因自性差別者謂能作因差別略有二十種一生能作謂識和合望識二住能作謂食望已生及求生有情三持能作謂大地望有情四照能作謂燈等望諸色五變壞能作謂火望薪六分離能作謂鎌等望所斷七轉變能作謂工巧智等望金銀等物八信解能作謂煙望火九顯了能作謂宗因喻望所成義十等至能作謂聖道望涅槃十一隨說能作謂名想見十二觀待能作謂觀待此故於

阿毗達磨集論卷第三 第三張 壁字號

彼求欲生如待飢渴追求飲食十三牽引能作謂懸遠緣如元明望老死十四生起能作謂隣近緣如無明望行十五攝受能作謂所餘緣如田水糞等望穀生等十六引發能作謂隨順緣如正事王令王悅豫十七定別能作謂差別緣如五趣緣望五趣果十八同事能作謂和合緣如根不壞境界現前作意正起望所生識十九相違能作謂部礙緣如雹望穀二十不相違能作謂无障碍緣如穀無障助伴者謂諸法共有而生必无缺減如四大種及所造色隨其所應等行者謂諸法共有等行所緣必无缺減如心心所增益者謂前際修善不善無記法故能令後際善等諸法展轉增勝後後生起障礙者謂隨所數習諸煩惱故隨所有惑皆得相續增長堅固乃令相續遠避涅槃攝受者謂不善及善有漏法能攝受自體故何等等无間緣謂中無間隔等无間故同分異分心心所生等無間故是等无間緣義何等所緣緣謂有分齊

阿毘達磨集論卷第三 第三 聖字

境所緣故无分齊境所緣故无異行
 相境所緣故有異行相境所緣故有
 事境所緣故无事境所緣故事所緣
 故分別所緣故有顛倒所緣故無顛
 倒所緣故有礙所緣故無礙所緣故
 是所緣緣義何等增上緣謂任持增
 上故引發增上故俱有增上故境界
 增上故產生增上故任持增上故受
 用果增上故世間清淨離欲增上故
 出世清淨離欲增上故是增上緣義
 云何同分彼同分幾是同分彼同分
 為何義故觀同分彼同分耶謂不離
 識彼相似根於境相續生故離識自
 相似相續生故是同分彼同分義色
 蘊一分眼等五有色界處一分是同
 分彼同分為捨執著與識相應不相
 應我故觀察同分彼同分
 云何執受幾是執受為何義故觀執
 受耶謂受生所依色故是執受義色
 蘊一分五有色界處全及四一分是
 執受為捨執著身自在轉我故觀察
 執受
 云何根幾是根為何義故觀根耶謂

阿毘達磨集論卷第三 第三 聖字

取境增上故種族不斷增上故眾同
 分住增上故受用淨不淨業果增上
 故世間離欲增上故出世離欲增上
 故是根義受識蘊全色行蘊一分十
 二界六處全法界法處一分是根為
 捨執著增上我故觀察根
 云何苦苦性幾是苦苦性為何義故
 觀苦苦性耶謂苦受自相故隨順苦
 受法自相故是苦苦性義一切一分
 是苦苦性為捨執著有苦我故觀察
 苦苦性
 云何壞苦苦性幾是壞苦苦性為何義故
 觀壞苦苦性耶謂樂受變壞自相故隨
 順樂受法變壞自相故於彼愛心變
 壞故是壞苦苦性義一切一分是壞苦
 性為捨執著有樂我故觀察壞苦苦性
 云何行苦苦性幾是行苦苦性為何義故
 觀行苦苦性耶謂不苦不樂受自相故
 隨順不苦不樂受法自相故彼二處
 重所攝受故不離二無常所隨不安
 隱故是行苦苦性義除三界二處諸蘊
 一分一切是行苦苦性為捨執著有苦
 不樂我故觀察行苦苦性

阿毘達磨集論卷第三 第三 聖字

云何有異熟幾是有異熟為何義故
 觀有異熟耶謂不善及善有漏是有
 異熟十界四處諸蘊一分是有異熟
 為捨執著能捨能續諸蘊我故觀察
 有異熟又異熟者唯阿賴耶識及相
 應法餘但異熟生非異熟
 云何食幾是食為何義故觀食耶謂
 變壞故有變壞者境界故有境界者
 怖望故有怖望者取故有取者是食
 義三蘊十一界五處一分是食為捨
 執著由食住我故觀察食又此食差
 別建立略有四種一不淨依止住食
 二淨不淨依止住食三清淨依止住
 食四示現住食
 云何有上幾是有上為何義故觀有
 上耶謂一切有為故无為一分故是
 有上義除法界法處一分一切是有
 上為捨執著下劣事我故觀察有上
 云何無上幾是无上為何義故觀無
 上耶謂无為一分故是无上義法界
 法處一分是无上為捨執著最勝事
 我故觀察无上
 由此所說差別道理餘無量門可類

觀察復次蘊界處差別略有三種謂
遍計所執相差別所分別相差別法
性相差別何等遍計所執相差別謂
於蘊界處中遍計所執我有情命者
生者養者數取趣者意生者摩納婆
等何等所分別相差別謂即蘊界處
法何等法性相差別謂即於蘊界處
中我等无性無我有性
復有四種差別謂相差別分別差別
依止差別相續差別何等相差別謂
蘊界處一一自相差別何等分別差
別謂即於蘊界處中實有假有世俗
有勝義有有色無色有見無見如是
等无量差別分別如前說何等依止
差別謂乃至有情依止差別有亦所
當知蘊界處亦亦何等相續差別謂
一一剎那蘊界處轉於相差別善巧
為何所了知謂了我執過患於分
別差別善巧為何所了知謂了知聚
想過患於依止差別善巧為何所了
知謂了知不作而得雖作而失想過
患於相續差別善巧為何所了知謂
了知安住想過患

又蘊界處有六種差別謂外門差別
內門差別長時差別分限差別暫時
差別顯示差別何等外門差別謂多
分欲界差別何等內門差別謂一切
定地何等長時差別謂諸異生何等
分限差別謂諸有學及除家後剎那
蘊界處所餘无學何等暫時差別謂
諸无學家後剎那蘊界處何等顯示
差別謂諸佛及已得究竟菩薩摩訶
薩所亦現諸蘊界處
大乘阿毗達磨集論本事中攝品第二
六何攝略說攝有十二種謂相攝界
攝種類攝分位攝伴攝方攝時攝一
分攝具分攝更互攝勝義攝
何等相攝謂蘊界處一一自相即體
自攝何等界攝謂蘊界處所有種子
阿賴耶識能攝使界
何等種類攝謂蘊界處其相雖異蘊
義界義處義等故展轉相攝
何等分位攝謂樂位蘊界處即自相
攝苦位不苦不樂位亦亦分位等故
何等伴攝謂色蘊與餘蘊牙為伴故
即攝助伴餘蘊界處亦亦

何等方攝謂依東方諸蘊界處還自
相攝餘方蘊界處亦亦
何等時攝謂過去世諸蘊界處還自
相攝未來現在諸蘊界處亦亦
何等一分攝謂所有法蘊界處所攝
但攝一分非餘應知一分攝
何等具分攝謂所有法蘊界處所攝
能攝全分應知具分攝
何等更互攝謂色蘊攝樂界樂處十
全一少分受蘊攝樂界樂處一少分
如受蘊想行蘊亦亦識蘊攝樂界樂
處七界一處眼界攝樂蘊樂處色蘊
少分一處全如眼界耳鼻舌身色聲
香味觸界亦亦意界攝樂蘊樂處一
蘊一處法界攝樂蘊樂處三蘊全色
蘊少分一處全眼識界攝樂蘊樂處
識蘊意處少分如眼識耳鼻舌身意
識界亦亦眼處攝樂蘊樂處界色蘊少
分一界全如眼處耳鼻舌身色聲香
味觸處亦亦意處攝樂蘊樂處一蘊
七界法處攝樂蘊樂處三蘊全一少
分一界全如是諸餘法以蘊界處名
說及餘非蘊界處名說如實有假有

世俗有勝義有所知所識所達有色
無色有見无見如是等如前所顯隨
其所應與蘊界處更于相攝盡當知
何等勝義攝謂蘊界處真如所攝
於攝善巧得何勝利得於所緣略集
勝利隨彼彼境略聚其心如是如是
善根增勝

大乘阿毗達磨集論本事分中相應品第三

云何相應略說相應有六種謂不相
離相應和合相應聚集相應俱有相
應作事相應同行相應

何等不相離相應謂一切有方分色
與極微處于不相離

何等和合相應謂極微已上一切有
方分色更于和合

何等聚集相應謂方分聚色展轉
集會何等俱有相應謂一身中諸蘊
界處俱時流轉同生住滅

何等作事相應謂於一所作事展轉
相攝如二苾芻隨一所作更于相應
何等同行相應謂心心所於一所得
展轉同行此同行相應復有多義謂
他性相應非已性不相違相應非相

同明法苑珠林卷第三

遠同時相應非異時同分界地相應
非異分界地復有一切遍行同行相
應謂受想思觸作意識復有染汙遍
行同行相應謂於染汙意四種煩惱
復有非一切時同行相應謂依止心
或時起信等善法或時起貪等煩惱
隨煩惱法復有分位同行相應謂與
樂受諸相應法與苦受不苦不樂受
諸相應法復有無間同行相應謂在
有心位復有有間同行相應謂無心
定所間復有有外門同行相應謂多分
欲界繫心心所復有內門同行相應
謂諸定地所有心心所復有曾習同
行相應謂諸異生所有心心所及有
學者一分心心所復有未曾習同行
相應謂出世間諸心心所及初後時
出世後所得諸心心所於相應善巧
得何勝利能善了悟唯依止心有受
想等染淨諸法相應不相應義由此
了悟即能捨離計我能受能想能思
能念染淨執著又能善巧速入無我
大乘阿毗達磨集論本事分中成就品第四

云何成就謂成就如前所說此若

別有三種謂種子成就自在成就現
行成就

何等種子成就謂若生欲界欲色無
色界繫煩惱隨煩惱由種子成就故
成就及生得善若生色界欲界繫煩
惱隨煩惱由種子成就故成就亦名
不成就色無色界繫煩惱隨煩惱由
種子成就故成就及生得善若生無
色界欲色界繫煩惱隨煩惱由種子
成就故成就亦名不成就无色界繫
煩惱隨煩惱由種子成就故成就及
生得善若已得三界對治道隨如是
如是品類對治已生如此如此品類
由種子成就得不成就隨如是如是
品類對治未生如此如此品類由種
子成就故成就何等自在成就謂諸
加行善法若世出世靜慮解脫三摩
地三摩鉢底等功德及一分無記法
由自在成就故成就

何等現行成就謂諸蘊界處法隨所
現前若善若不善若无記彼由現行
成就故成就若已斷善者所有善法
由種子成就故成就亦名不成就若

非涅槃法一闡底迦究竟成就雜染諸法由闡解脫因亦名阿顛底迦以彼解脫得因必竟不成就故

於成就善巧得何勝利能善了知諸法增減知增減故於世與妻離決定想乃至能斷若愛若恚

大乘阿毗達磨集論決擇分中諦品第一

云何決擇略說決擇有四種謂諦決擇法決擇得決擇論議決擇

云何諦決擇謂四聖諦苦諦集諦滅諦道諦云何苦諦謂有情生及生所依處

何等有情生即有情世間謂諸有情生在那落迦傍生餓鬼人天趣中人謂東毗提訶西瞿陀尼南瞻部洲北俱盧洲天謂四大王衆天三十三天夜摩天覩史多天樂變化天他化自在天梵衆天梵輔天大梵天少光天無量光天極光淨天少淨天無量淨天遍淨天无雲天福生天廣果天無想有情天無煩天无熱天善現天善見天色究竟天無邊空處天无边識處天無所有處天非想非非想處天

何等生所依處即器世間謂水輪依風輪地輪依水輪依此地輪有蘊迷盧山七金山四大洲八小洲内海外海蘊迷盧山四外層級四大王衆天三十三天所居處別外輪圍山虚空宮殿若夜摩天覩史多天化樂天他化自在天及色界天所居處別諸阿素洛所居處別及諸那落迦所居處別謂熱那落迦寒那落迦孤獨那落迦及一分傍生餓鬼所居處別乃至一日一月周遍流光所照方處名一世界如是千世界中有千日千月千蘊迷盧山王千四大洲千四大王衆天千三十三天千夜摩天千覩史多天千樂變化天千他化自在天千梵世天如是物名小千世界千小千界物名第二中千世界千中千界物名第三大千世界如此三千大千世界摠有大輪圍山周匝圍繞又此三千大千世界同壞同成譬如天雨滴如車軸无間無斷從空下注如是東方無間無斷无量世界或有將壞或有將成或有正壞或壞已住或有正成

或成已住如於東方乃至一切十方亦尔若有情世間若器世間業煩惱力所生故業煩惱增上所起故摠名苦諦復有清淨世界非苦諦攝非業煩惱力所生故非業煩惱增上所起故然由大願清淨善根增上所引此所生處不可思議唯佛所覺尚非得靜慮者靜慮境界况尋思者復次苦相老別有八謂生苦老苦病苦死苦怨憎會苦愛別離苦求不得苦略攝一切五取蘊苦生何因苦衆苦所逼故餘苦所依故老何因苦時分變壞苦故病何因苦大種變異苦故死何因苦受命變壞苦故怨憎會何因苦合會生苦故愛別離何因苦別離生苦故求不得何因苦所怖不果生苦故略攝一切五取蘊何因苦履重苦故如是八種略攝為六謂逼迫苦轉變苦合會苦別離苦所怖不果苦履重苦如是六種廣開為八若六若八平等平等如說三苦中八苦為三攝八八攝三耶展轉相攝所

阿毗達磨集論卷第三 苦五

謂生苦老苦病苦死苦怨憎會苦能顯苦苦愛別離苦求不得苦能顯壞苦略攝一切五取蘊苦能顯行苦如說二苦謂世俗諦苦勝義諦苦何者世俗諦苦何者勝義諦苦謂生苦乃至求不得苦是世俗諦苦略攝一切五取蘊苦是勝義諦苦

大何苦諦共相謂無常相苦相空相無我相何等无常相略有十二謂非有相壞滅相變異相別離相現前相法介相剎那相相續相病等相種種心行轉相資產興衰相器世成壞相何等非有相謂蘊界處於一切時我所性常非有故

何等壞滅相謂諸行生已即滅暫有還無故何等變異相謂諸行異異生由不相似相續轉故

何等別離相謂於諸行失增上力或他所攝執為已有

何等現前相謂正處无常由因隨逐今受無常故

何等法介相謂當來无常由因隨逐定當受故

阿毗達磨集論卷第三 苦六

何等剎那相謂諸行剎那後必不住故何等相續相謂无始時來諸行生滅相續不斷故

何等病等相謂四大時分受命變異故何等種種心行轉相謂於一時起有貪心或於一時起離貪心如有有瞋離瞋有癡離癡若略若散若下若舉若掉離掉若不寂靜若寂靜若定不定如是等心行流轉故

何等資產興衰相謂諸興善終歸衰變故何等器世成壞相謂火水風三種成壞有三災頂謂第五第三第四靜慮第四靜慮外宮殿等雖无外災成壞然後諸天與宮殿等俱生俱滅說有成壞復有三種中劫所謂飢饉疫痢刀兵此小三災劫究竟位方乃出現謂世界成已一中劫初唯減一中劫後唯增十八中劫亦增亦減二十中劫世界正壞二十中劫世界壞已住二十中劫世界正成二十中劫世界成已住合此八十中劫為一大劫由此劫數顯色無色界諸天受量如說以壽盡故福盡故業盡故彼

阿毗達磨集論卷第三 苦七

有情從彼彼處沒去何壽盡謂時死云何福盡謂非時死即非福死以彼有情貪著定味福力減盡因此命終云何業盡謂順生受業順後受業俱盡故死

何等苦相謂或三苦或八苦或六苦廣說如前是名苦相何故經說若無常者即是苦耶由二分无常為緣苦相可了知故謂生分無常為緣苦苦性可了知故滅分无常為緣壞苦性可了知故俱分無常為緣行苦性可了知故即依此義薄伽梵說諸行无常諸行變壞又依此義言諸所有受我說皆苦又於生滅二法所隨諸行中有生等八苦性可了知故佛說言若无常者即是苦又於無常諸行中有生等苦可了知者如來依此密意說言由無常故苦非一切行

何等空相謂若於是處此非有由此理正觀為空若於是處餘是有由此理如實知有是名善入空性如實知者不顛倒義於何處誰非有於蘊界處常恒疑住不變壞法我我所等非

有由此理彼皆是空於何處誰餘有即此處无我性此我無性無我有性是謂空性故薄伽梵密意說言有其實知有無如實知无復有三種空性謂自性空性如性空性真性空性初依遍計所執自性觀第二依依他起自性觀第三依圓成實自性觀何等無我相謂如我論者所立我相蘊界處非此相由蘊界處我相無故名無我相故薄伽梵密意說言一切法皆無我如世尊說此一切非我所此非我處此非我我於如是義應以正慧如實觀察此言何義謂於外事密意說此一切非我所於內事密意說此非我處此非我我所以者何以於外事唯計我所相是故但遣我所於內事通計我我所相是故雙遣我我所

不待緣自然滅壞故當觀色等亦念滅

如世尊說諸所有色彼一切若四大種若四大種所造此依何意說依容有意說同在一處依此而有是造義若於此聚此大種可得當知此聚唯有此大種非餘或有聚唯一大種或有二大種或有乃至一切大種所造色亦亦若於此聚此所造色可得當知此聚唯此非餘或有聚唯一所造色或二所造色或有乃至多所造色隨其所應

又說廣聚色極微集所成者當知此中極微無體但由覺慧漸漸分拈細分損減乃至可拈邊際即約此際建立極微為遣一合想故又為悟入諸所有色非真實故

復次苦法略有八種差別謂有廣大不寂靜苦有寂靜苦有寂靜不寂靜苦有中不寂靜苦有微薄不寂靜苦有微薄寂靜苦有極微薄寂靜苦有非苦似苦住大寂靜云何廣大不寂靜苦謂生欲界未曾積集諸善良

者云何寂靜苦謂即此已生順解脫分善根者云何寂靜不寂靜苦謂即此為世間道離欲已種善根者云何中不寂靜苦謂生色界遠離順解脫分者云何微薄不寂靜苦謂生無色界遠離順解脫分者云何微薄寂靜苦謂諸有學云何極微薄寂靜苦謂諸无學命根住緣六處云何非苦似苦住大寂靜謂已得究竟善薩摩訶薩等乘大悲願力故生諸有中復次前說死苦死有三種謂或善心死或不善心死或無記心死善心死者謂於明利心現行位或由自善根力所持故或由他所引攝故發起善心趣命終位不善心死者謂亦於明利心現行位或由自不善根力所持故或由他所引攝故起不善心趣命終位無記心死者謂若於明利心現行位若於不明利心現行位或由關二緣故或由加行無功能故起無記心趣命終位

修淨行者臨命終位於身下分先起令觸不淨行者臨命終位於身上分

大乘阿毗達磨集論卷第三

先起冷觸不淨行者中有生時其相顯現如黑羊羔光或如陰暗夜分修淨行者中有生時其相顯現如白練光或如晴夜分

又此中有在欲色界正受生位亦從無色界命終後位亦名意生健達縛等極住七日或中夜或時移轉

住中有中亦能集諸業先串習力所引善等思現行故又能觀見同類有情又中有形似當生處又此中有所趣無礙如具神通往來迅速仍於生處有所俱礙又此中有於所生處如秤兩頭位昂道理終沒結生時分亦亦任中有中於所生處發起貪愛亦用餘煩惱為緣助此中有身與貪俱滅羯邏蓋身與識俱生此唯是異熟自此已後根漸生長如緣起中說於四生類或受外生或受胎生或受濕生或受化生

大乘阿毗達磨集論卷第三

大乘阿毗達磨集論卷第三

校勘記

- 一 底本，金藏廣勝寺本。
- 一 六二二頁下一行「飲食」，石作「飯食」。
- 一 六二二頁下六行「正事」，磧、普、南、徑、清作「臣事」。
- 一 六二二頁下一七行「增勝」，資、磧、普、南、徑、清作「增益」。
- 一 六二四頁上六行「任持」，磧、南、徑、清作「住持」。
- 一 六二四頁上八行「任持」，石、磧、南、徑、清、麗作「住持」。
- 一 六二四頁中一四行「彼愛」，徑作「被愛」。
- 一 六二四頁下一一行第一三字「食」，石、資、磧、普、南、徑、清作「四食」。
- 一 六二五頁中一一行品名上經名「大乘阿毗達磨集論」，徑、清、麗無。
- 一 六二五頁中一六行第七字「謂」，徑無。
- 一 六二五頁中一七行「使界」，諸本作「彼界」。
- 一 六二六頁上六行末二字「如是」，磧、普、南、徑、清無。
- 一 六二六頁中一五行第一三字「同」，資、磧、普、南、徑、清無。
- 一 六二六頁中末行「所說」，石、資、磧、普、南、徑、清作「已說」。
- 一 六二六頁下三行第一二字「欲」，資、磧、普、南、徑、清無。
- 一 六二六頁下九行第三字「欲」，資、磧、普、南、徑、清作「欲界」。
- 一 六二七頁上七行「第一」，石、徑、清、麗作「第一之一」。
- 一 六二七頁中六行「化樂天」，石、資、磧、普、南、徑、清作「樂變化天」。
- 一 六二八頁上一六行「異異」，麗作「異」。
- 一 六二八頁上二一行首字「今」，資、磧、普、南、徑、清作「令」。
- 一 六二八頁中七行第八字「略」，麗作「合」。

一 六二八頁中一四行「然後」，諸本作「然彼」。

一 六二九頁上一七行第四字「通」，
[資]、[積]、[普]、[南]、[徑]、[清]作「遍」。

一 六二九頁上二〇行第九字「我」，
諸本作「色」。

一 六二九頁上末行第七字「住」，諸
本作「位」。

一 六二九頁中一九行首字「大」，[資]、
[積]、[普]、[南]作「大苦」。

一 六二九頁下一五行第七字「死」，
[徑]無。

一 六三〇頁上一二行第四字「俱」，
[石]、[麗]作「拘」。



趙城縣廣勝寺

大乘阿毗達磨集論卷第四

摩訶

無著菩薩造

三藏法師玄奘奉

詔譯

次擇分中諦品第一之二

云何集諦謂諸煩惱及煩惱增上所
 生諸業俱說名集諦然薄伽梵隨寂
 勝說若愛若後有愛若喜貪俱行愛
 若彼彼喜樂愛是名集諦言寂勝者
 是遍行義由愛具有六遍行義是故
 寂勝何等為六一事遍行二位遍行
 三世遍行四界遍行五求遍行六種
 遍行

云何煩惱謂由數故相故緣起故境
 界故相應故差別故邪行故界故眾
 故斷故觀諸煩惱
 何等數故謂或六或十六謂貪瞋慢
 無明疑見十謂前五見又分五謂薩
 迦耶見邊執見邪見見取戒禁取
 何等相故謂若法生時相不寂靜由
 此生故身心相續不寂淨轉是煩惱相
 何等緣起故謂煩惱隨眠未永斷故
 順煩惱法現在前故不正思惟現前

起故如是煩惱方乃得生是名緣起
 何等境界故謂一切煩惱還用一切
 煩惱為所緣境及緣諸煩惱事又欲
 界煩惱除無明見疑餘不能緣上地
 為境上地諸煩惱不能緣下地為境
 已離彼地欲故又緣滅道諦諸煩惱
 不能親緣滅道為境唯由依彼妄起
 分別說為所緣又煩惱有二種謂緣
 無事及緣有事緣無事者謂見及見
 相應法所餘煩惱名緣有事

何等相應故謂貪不與瞋相應如瞋
 疑亦亦餘皆得相應如貪瞋亦亦謂
 瞋不與貪慢見相應慢不與瞋疑相
 應元明有二種一一切煩惱相應無
 明二不共無明不共無明者謂於諦
 無智見不與瞋疑相應疑不與貪慢
 見相應忿等隨煩惱更下不相應無
 慚无愧於一切不善品中恒共相應
 昏沉掉舉不信懈怠放逸於一切染
 汙品中恒共相應

何等差別故謂諸煩惱依種種義立
 種種門差別所謂結縛隨眠隨煩惱
 纏暴流軛取繫蓋株杌垢燒害箭所

有惡行漏匱熱惱諍熾然稠林拘礙等
結有幾種云何結何處結耶結有九
種謂愛結恚結慢結無明結見結取
結疑結嫉結慳結

愛結者謂三界貪愛結所繫故不厭
三界由不厭故廣行不善不行諸善
由此能招未來世苦與苦相應

恚結者謂於有情苦及順苦法心有
損害恚結所繫故於恚境相心不棄
捨不棄捨故廣行不善不行諸善由
此能招未來世苦與苦相應

慢結者即七慢謂慢過慢慢過慢我
慢增上慢下劣慢邪慢慢者謂於下
劣計已為勝或於不相似計已相似
心舉為性過慢者謂於相似計已為
勝或復於勝計已相似心舉為性慢
過慢者謂於勝已計已為勝心舉為
性我慢者謂於五取遍觀我我所心
舉為性增上慢者謂於未得上勝證
法計已得上勝證法心舉為性下
劣慢者謂於多分勝計已少分劣心
舉為性邪慢者謂實元德計已有德
心舉為性慢結所繫故於我我所不

阿毗達磨集論第四卷第三張 摩

能了知不了知故執我我所廣行不
善不行諸善由此能招未來世苦與
苦相應

無明結者謂三界元智無明結所繫
故於苦法集法不能解了不解了故
廣行不善不行諸善由此能招未來
世苦與苦相應

見結者即三見謂薩迦耶見邊執見
邪見見結所繫故於邪出離妄計追
求妄興執著於邪出離妄執著已廣
行不善不行諸善由此能招未來世
苦與苦相應

取結者謂見取戒禁取取結所繫故
於邪出離方便妄計執著以妄執著
邪出離方便故廣行不善不行諸善
由此能招未來世苦與苦相應
疑結者謂於諦猶豫疑結所繫故於
佛法僧寶妄生疑惑以疑惑故於三
寶所不修正行以於三寶所不修正
行故廣行不善不行諸善由此能招
未來世苦與苦相應
嫉結者謂執著利養不耐他榮發起
心妬嫉結所繫故愛重利養不尊敬

阿毗達磨集論第四卷第四張 摩

阿毗達磨集論第四卷第四張 摩

法重利養故廣行不善不行諸善由
此能招未來世苦與苦相應

慳結者謂執著利養於資生具其心
吝惜慳結所繫故愛重畜積不尊遠
離重畜積故廣行不善不行諸善由
此能招未來世苦與苦相應

縛有三種謂貪縛瞋縛癡縛由貪縛
故縛諸有情令處壞苦由瞋縛故縛
諸有情令處苦苦由癡縛故縛諸有
情令處行苦又依貪瞋癡故於善加
行不得自在故名為縛

隨眠有七謂欲愛隨眠瞋隨眠有
愛隨眠慢隨眠無明隨眠見隨眠疑
隨眠欲愛隨眠者謂欲貪品麤重瞋
隨眠者謂瞋品麤重有愛隨眠
者謂色無色貪品麤重慢隨眠者謂
慢品麤重無明隨眠者謂無明品麤
重見隨眠者謂見品麤重疑隨眠者
謂疑品麤重若未離欲求者由欲愛
瞋隨眠之所隨增未離有求者由
有愛隨眠之所隨增未離邪梵行求
者由慢無明見疑隨眠之所隨增由
彼衆生得少對治便生憍慢愚於聖

阿毘達磨集論第四卷 第六張 譬字号

誦虛妄計度外邪解脫解脫方便於佛聖教正法毗奈耶中猶豫疑惑

隨煩惱者謂所有諸煩惱皆是隨煩惱有隨煩惱非煩惱謂除煩惱所餘深汗行蓋所攝一切心所法此復云何謂除貪等六煩惱所餘深汗行蓋所攝忿等諸心所法又貪瞋癡名隨煩惱心所法由此隨煩惱隨惱於心今不離深汗不解脫今不斷障故名隨煩惱如世尊說汝等長夜為貪瞋癡隨所惱亂心恒深汗

經有八種謂昏沉睡眠掉舉惡作嫉慳無慙無愧數數增威纏繞於心故名為纏謂隨修習止舉捨相及彼所依梵行等所攝淨尸羅時纏繞於心暴流有四謂欲暴流有暴流見暴流無明暴流隨流漂鼓是暴流義隨順雜染故初是習欲求者第二是習有求者後二是習邪梵行求者能依所依相應道理故

軛有四種謂欲軛有軛見軛無明軛障礙離繫是軛義違背清淨故此亦隨其次第習三求者相應現行

阿毘達磨集論第四卷 第六分 譬

行位止舉捨位

株杌有三謂貪株杌瞋株杌癡株杌由依止貪瞋癡先所串習為方便故成貪等行心不調順無所堪能難可解脫今諸有情難斷此行故名株杌垢有三種謂貪垢瞋垢癡垢由依止貪瞋癡故毀犯如是尸羅學處由此有智同梵行者或於聚落或閉靜處見已作如是言此長老作如是事行如是行為聚落刺點深不淨說名為垢燒害有三謂貪燒害瞋燒害癡燒害由依止貪瞋癡故長時數受生死燒惱故名燒害

箭有三種謂貪箭瞋箭癡箭由依止貪瞋癡故於有有具深起追求相續不絕於佛法僧苦集滅道常生疑惑故名為箭

所有有三謂貪所有瞋所有癡所有由依止貪瞋癡故積畜財物有怖有怨多住散乱故名所有

惡行有三謂貪惡行瞋惡行癡惡行由依止貪瞋癡故恒行身語意惡行故名惡行又即依此貪瞋癡門廣生

取有四種謂欲取見取戒禁取我語取執取諍根執取後有是取義所以者何由貪著欲繫縛就染為因諸在冢者更相鬪諍此諍根本是第一取由貪著見繫縛就染為因諸出家者更相鬪諍此諍根本是後三取六十二見趣是見取各別禁戒多分苦行是戒禁取彼所依止薩迦耶見是我語取由見取戒禁取諸外道輩更相諍論由我語取諸外道輩更相諍論與正法者牙有諍論如是執著諍論根本復能引取後有苦異熟故名為取繫有四種謂貪欲身繫瞋恚身繫戒禁取身繫此實執取身繫以能障礙定意性身故名為繫所以者何能為四種心乱因故謂由貪愛財物等因令心散乱於鬪諍事不正行為因令心散乱於難行戒禁苦惱為因令心散乱不如正理推求境界為因令心散乱

蓋有五種謂貪欲蓋瞋恚蓋昏沉睡眠蓋掉舉惡作蓋疑蓋能令善品不得顯了是蓋義謂於樂出家位覺邪

無量惡不善行故建立三不善根所以者何以諸有情愛味世間所有為因行諸惡行分別世間怨想為因行諸惡行執著世間邪法為因行諸惡行是故此貪瞋癡亦名惡行亦名不善根

漏有三種謂欲漏有漏无明漏令心連注流散不絕故名為漏此復云何依外門流注故立欲漏依內門流注故立有漏依彼二所依門流注故立無明漏

匱有三種謂貪匱瞋匱癡匱由依止貪瞋癡故於有及資生具恒起追求無有厭足常為貪乏眾苦所惱是故名匱

熱有三種謂貪熱瞋熱癡熱由依止貪瞋癡故不如正理執著諸相執著隨好由執著相及隨好故燒惱身心故名為熱

惱有三種謂貪惱瞋惱癡惱由依止貪瞋癡故隨彼彼愛樂執著彼若變壞便增愁歎種種憂苦熱惱所觸故名為惱

諍有三種謂貪諍瞋諍癡諍由依止貪瞋癡故執持刀杖與諸戰諍種種鬪訟是故貪等說名為諍

熾然有三謂貪熾然瞋熾然癡熾然由依止貪瞋癡故為非法貪大火所燒不平等貪大火所燒及為邪法大火所燒故名熾然

稠林有三謂貪稠林瞋稠林癡稠林由依止貪瞋癡故於諸生死根本行中廣興染著令諸有情惑種種身流轉五趣是故貪等說名稠林

拘礙有三謂貪拘礙瞋拘礙癡拘礙由依止貪瞋癡故願戀身財无所覺了樂憂憤內得少善法便生厭足由此不能修諸善法故名拘礙

諸如是等煩惱義門差別無量何等邪行故謂貪瞋二煩惱迷境界及見起邪行慢迷有情及見起邪行薩迦邪見邊執見邪見迷所知境起邪行見取戒禁取迷諸見起邪行疑迷對治起邪行無明迷一切起邪行又十煩惱皆迷苦集起諸邪行是彼因緣所依處故又十煩惱皆迷滅道

起諸邪行由此能生彼怖畏故何等界故謂除瞋餘一切通三界繫瞋唯欲界繫

又貪於欲界與樂喜捨相應如於欲界於初二靜慮亦於第三靜慮與樂捨相應已上惟與捨相應瞋與苦憂捨相應慢於欲界與喜捨相應於初二靜慮與樂喜捨相應於第三靜慮與樂捨相應已上惟捨相應如慢薩迦耶見邊執見見取戒禁取亦於邪見於欲界與憂喜捨相應於色無色界隨所有受皆與相應疑於欲界與憂捨相應於色无色界隨所有受皆與相應無明有二種謂相應不共相應無明一切煩惱相應故若於是處隨所有受皆得相應不共無明於欲界與憂捨相應於上界隨所有受皆得相應何故諸煩惱皆與捨相應以一切煩惱墮中庸位方息沒故又貪於欲界在六識身如貪瞋無明亦貪於色界在四識身於無色界在意識身如貪無明亦貪瞋慢於欲界緣切處在意識身又貪瞋慢於欲界緣

阿毘達磨論疏卷第四 第十一 阿毘達磨論疏

一分事轉如於欲界於色無色界亦
 亦所餘煩惱於一切處遍緣一切事轉
 何等眾故謂二眾煩惱一見所斷眾
 二修所斷眾見所斷眾復有四種一
 見苦所斷眾二見集所斷眾三見滅
 所斷眾四見道所斷眾欲界見苦所
 斷具十煩惱如見苦所斷見集滅道
 所斷亦亦色界見苦等四種所斷各
 九煩惱除瞋如色界無色界亦亦如
 是見所斷煩惱眾檢有一百一十二
 煩惱欲界修所斷有六煩惱謂俱生
 薩迦耶見邊執見及貪瞋慢无明色
 界修所斷有五煩惱除瞋如色界無
 色界亦亦如是修所斷煩惱眾檢有
 十六煩惱

何等斷故謂如此差別斷由此作意
 斷從此而得斷如此差別斷者謂遍
 智故速離故得對治故遍智者謂彼
 因緣事遍智自體遍智過患遍智速
 離者雖彼暫生而不堅執得對治者
 謂未生者令不生故已生者令斷故
 得對治道由此作意斷者何等作意
 能斷邪捨緣作意觀一切法皆无我

阿毘達磨論疏卷第四 第十一 阿毘達磨論疏

性能斷煩惱無常等行但為修治无
 我行故從此而得斷者從何而得斷
 耶不從過去已滅故不從未來未生
 故不從現在道不俱故然從諸煩惱
 麤重而得斷為斷如是如是品麤重
 生如是如是品對治若此品對治生
 即此品麤重滅平等平等猶如世間
 明生暗滅由此品離繫故今未來煩
 惱住不生法中是名為斷

云何煩惱增上所生諸業謂若思業
 若思已業捨名業相又有五種業一
 取受業二作用業三加行業四轉變
 業五證得業今此義中意多分別加
 行業

何等思業謂福業非福業不動業
 何等思已業謂身業語業意業

又此身語意三業或善或不善不善
 者即十不善業道謂煞生不與取欲
 邪行虛誑語離間語麤惡語雜穢語
 貪欲瞋恚邪見善者即十善業道謂
 離煞生離不與取離欲邪行離虛誑
 語離離間語離麤惡語離雜穢語无
 貪無瞋正見

阿毘達磨論疏卷第四 第十一 阿毘達磨論疏

又煞生等應以五門分別其相謂事
 故意樂故方便故煩惱故究竟故
 如契經言故思造業云何名為故思
 造業謂他所教勅故思造業他所勸
 請故思造業无所了知故思造業根
 本執著故思造業顛倒分別故思造
 業此中根本執著故思造業顛倒分
 別故思造業若作若增長非不受異
 熟作者謂起造諸業令其現行增長
 者謂令習氣增益

如契經言決定受業云何名為決定
 受業謂作業決定受異熟決定分位
 決定

十不善業道異熟果者於三惡趣中
 隨下中上品受僂生餓鬼那落迦異
 熟等流果者各隨其相於人趣中感
 得自身眾具衰損增上果者各隨其
 相感得所有外事衰損廣說如經

十善業道異熟果者於人天趣中受
 人天異熟等流果者即於彼處各隨
 其相感得自身眾具興盛增上果者
 即於彼處各隨其相感得所有外事
 興盛

善不善業於善趣惡趣中感生異熟
時有招引業圓滿業招引業者謂由此
業能感異熟果圓滿業者謂由此業
生已領受愛不愛果或有業由一業
力牽得一身或有業由一業力牽得多
身或有業由多業力牽得一身或有
業由多業力牽得多身若一有情成就
多業云何次第受異熟果於彼身中
重者先熟或將死時現在前者或先所
數習者或寂初所行者彼異熟先熟
如契經言有三種業謂福業非福業
不動業何等福業謂欲界繫善業何
等非福業謂不善業何等不動業謂
色無色界繫善業
如契經說無明緣行若福非福及與
不動云何福及不動行緣无明生有
二種愚一異熟果愚二真實義愚由
異熟果愚故發非福行由真實義愚
故發福及不動行
煞生業道貪瞋癡為方便由瞋究竟
如煞生展惡語瞋恚業道亦不與
取業道貪瞋癡為方便由貪究竟如
不與取欲邪行貪欲業道亦不虛誑

語業道貪瞋癡為方便於三種中隨
由一究竟如虛誑語離間語雜穢語
業道亦不邪見業道貪瞋癡為方便
由癡究竟如契經言有共業有不共
業有強力業有劣力業云何共業若
業能令諸器世間種種差別云何不
共業若業能令有情世間種種差別
或復有業令諸有情展轉增上由此
業力說諸有情更互相望為增上緣
以彼手有增上力故亦名共業是故
經言如是有情與餘有情互相見等
而不受用不易可得云何強力業謂
對治力强補特伽羅故思所造諸不
善業由對治力所攝伏故今當受解
落迦業轉成現法受應現法受業轉
今不受所以此業名強力者由能對
治業力强故又故思所造一切善業
皆名強力依此業故薄伽梵說我聖
弟子能以無量廣大之業善薰其心
諸所造作有量之業不能牽引不能
留住亦不能令墮在彼數又對治力
劣補特伽羅故思所造諸不善業望
諸善業皆名強力又故思造業異熟

史定不斷不知名強力業此中意說
一切善不善業異熟決定聖道力不
斷者皆名強力業又欲界繫諸不善
業性皆是強力又先所串習名強力
業又依強位名強力業又不可治者
所造諸業名強力業無涅槃法故又
由田故發強力業又由心加行故發
強力業又由九種因發強力業謂由
田故事故自體故所依故作意故意
樂故助伴故多修習故與多眾共
所行故與此相違是劣力業如世尊
說若有說言彼彼丈夫補特伽羅隨
如是如是業若作若增長還受如是
如是異熟若有是事便不應修清淨
梵行亦不可知正盡諸苦作苦邊際
若有說言彼彼丈夫補特伽羅隨如
是如是順所受業若作若增長還受
如是如是順所受異熟若有是事便
應修習清淨梵行又亦可知正盡諸
苦作苦邊際如是經言有何密意此
中佛意為欲遮止如是邪說謂樂俱
行業還能感得樂俱行異熟苦俱行
業還能感得苦俱行異熟不苦不樂

俱行業還感得不苦不樂俱行異
 熟故作是說又為開許如是正說謂
 樂俱行業順樂受者還受樂異熟順
 苦受者還受苦異熟順不苦不樂受
 者還受不苦不樂異熟苦俱行業順
 樂受者還受樂異熟順苦受者還受
 苦異熟順不苦不樂受者還受不苦
 不樂異熟不苦不樂俱行業順樂受
 者還受樂異熟順苦受者還受苦異
 熟順不苦不樂受者還受不苦不樂
 異熟如是名為此經密意又業差別
 有三種謂律儀業不律儀業非律儀
 非不律儀業

云何律儀業謂別解脫律儀所攝業
 靜慮律儀所攝業無漏律儀所攝業
 別解脫律儀所攝業者即是上界所
 受律儀謂苾芻律儀苾芻居士律儀式
 又摩那律儀勤策律儀勤策女律儀
 耶波索迦律儀耶波斯迦律儀及近
 住律儀依止何等補特伽羅建立出
 家律儀依能修行遠離惡行遠離欲
 行補特伽羅依止何等補特伽羅建
 立耶波索迦律儀耶波斯迦律儀依

阿毗達磨集論第四卷

能盡受遠離惡行不遠離欲行補特
 伽羅依止何等補特伽羅建立近住
 律儀依止不能遠離惡行及不能遠
 離欲行補特伽羅若惟修學耶波索
 迦一分學處為說成就耶波索迦律
 儀為說不成就應說成就而名犯戒
 扇搗半擇迦等為遮彼受耶波索迦
 律儀不邪不遮彼受耶波索迦律儀
 然遮彼耶波索迦性不堪親近承事
 苾芻苾芻居士等二出家眾故又半擇
 迦有五種謂生便半擇迦嫉妬半擇
 迦半月半擇迦灌灑半擇迦除去半
 擇迦

靜慮律儀所攝業者謂能損伏發起
 犯戒煩惱種子離欲界欲者所有遠
 離離初靜慮欲者所有遠離離第二
 靜慮欲者所有遠離離第三靜慮欲
 者所有遠離是名靜慮律儀所攝身
 語業
 無漏律儀所攝業者謂以見諦者由
 无漏作意力所得無漏遠離戒性是
 名無漏律儀所攝業
 云何不律儀業謂諸不律儀者或由

阿毗達磨集論第四卷 第三張 第十一字

生彼種姓中故或由受持彼事業故
 所期現行彼業決定何等名為不律
 儀者所謂屠羊養雞養猪捕鳥捕魚
 獵鹿置兔劫賊魁膾害牛縛鳥立壇
 呪龍守獄讒搆好為損等

云何非律儀非不律儀業謂住非律
 儀非不律儀者所有善不善業
 又業老別有三種謂順樂受業順苦
 受業順不苦不樂受業順樂受業者
 謂從欲界乃至第三靜慮所有善業
 順苦受業者謂不善業順不苦不樂
 受業者謂第三靜慮已上所有善業
 又業老別有三種謂順現法受業順
 生受業順後受業順現法受業者若
 業於現法中異熟成熟謂從慈定起
 已於彼造作者損若益必得現異熟
 如從慈定起從無諍定起從滅定起
 從預流果起從阿羅漢果起亦亦又
 於佛為上首僧中造善惡業必得現
 異熟又有餘猛利意樂方便所行善
 不善業亦得現異熟順生受業者若
 業於無間生中異熟成熟謂五無間
 業復有所餘善不善業於無間生異

熟熟者一切皆名順生受業順後受業者若業於無間生後異熟成熟是名順後受業又業差別有四種謂黑黑異熟業白異熟業黑白異熟業黑異熟業非黑白無異熟業能盡諸業黑者謂三界善業黑白黑白異熟業者謂欲界繫雜業或有業意樂故黑方便故白或有業方便故黑意樂故白非黑白無異熟業能盡諸業者謂於加行無間道中諸无漏業
總約一切無漏業所有障礙隨順體性如其次第建立曲穢濁等諸染汗業淨辛辱等諸清淨業
復有施等諸清淨業云何施業謂因緣故等起故處所故自體故分別施業因緣者謂無貪无瞋無癡善根等起者謂彼俱行思慮所者謂所施物自體者謂正行施時身語意業云何施圓滿謂數數施故無偏黨施故隨其所欲圓滿施故施得圓滿又無所依施故廣清淨施故極歡喜施故數數施故田器施故善分布新舊施故

施得圓滿

云何應知施物圓滿謂所施財物非誰詐得故所施財物非侵他得故所施物非穢離垢故所施財物清淨故所施財物如法所引故如是應知施物圓滿
如契經說成就尸羅善能防護別解脫律儀軌則所行皆悉圓滿見微細罪生大怖畏於諸學處善能受學云何成就尸羅能受能護淨尸羅故云何善能防護別解脫律儀能善護持出離尸羅故云何軌則所行皆悉圓滿具淨尸羅難為毀責故云何見微細罪生大怖畏勇猛恭敬所學尸羅故云何於諸學處善能受學圓滿受學所學尸羅故
從是已後依止尸羅釋佛經中護身等義云何名為防護身語由彼正解所攝持故云何身語具足圓滿終不毀犯所毀犯故云何身語清淨現行由無悔等漸次修行乃至得定為依止故云何身語極善現行染汗尋思所不雜故云何身語無罪現行遠離

邪願修梵行故云何身語無言現行不輕陵他易共住故云何身語隨順現行由能隨順涅槃得故云何身語隨隱顯現行隱善顯惡故云何身語親善現行同梵行者攝受尸羅故云何身語應儀現行於尊尊位離憍慢故云何身語敬順現行於尊教誨敬順受故云何身語無熱現行遠離苦現行棄捨財業無悔惱故云何身語无悔現行雖得少分不以為喜而無悔惱故如世尊說如有情皆由自業業所乘淨從業所生依業出離業能分別一切有情高下勝劣云何有情皆由自業由自造業而受異熟故云何業所乘淨於受自業所得異熟時善不善業不違諍故云何從業所生是諸有情遠離無因惡因惟從業所生故云何依業出離依對治業解業縛故云何由業有情高下謂猶業故於善惡趣得自體差別云何勝劣謂諸有情成就功德過失差別如世尊說有情業異熱不可思議云

阿毗達磨集論卷第四 第三四張 摩訶

何業異熟可思議云何業異熟不可思議謂諸善業於人天趣得可愛異熟是可思議諸不善業墮三惡趣得不愛異熟是可思議即由此業感諸有情自身異熟等種種差別不可思議又即善不善業處差別事差別因差別異熟差別品類差別等皆不可思議復有種種外事差別能感業用不可思議又末尼珠藥草呪術相應業用不可思議又諸觀行者威德業用不可思議又諸菩薩自在業用不可思議所謂命自在故心自在故財自在故業自在故生自在故勝解自在故願自在故神通自在故智自在故法自在故諸大菩薩由如是等自在力故所作業用不可思議又一切佛所作諸佛應所作事業用不可思議如是集諦按有種種行相差別謂因相集相生相緣相云何因相謂能引發復有習氣因是名因相云何集相謂彼彼有情所集習氣於彼彼有情類為等起因是名集相云何生相謂各別內身無量品類差別生因是名

生相云何緣相謂諸有情別別得捨因是名緣相

大乘阿毗達磨集論卷第四

大乘阿毗達磨集論卷第四

校勘記

- 一 底本，金藏廣勝寺本。六三二頁中至六三三頁中共四版，原版殘缺，以麗藏本換。
- 一 六三二頁中八行「喜樂」，資、磧、晉、南、徑、清作「希樂」。
- 一 六三二頁中九行「是故」，徑作「是名」。
- 一 六三三頁上一四行第八字「不」，諸本無。
- 一 六三四頁中六行第一一字「三」，徑、清作「一」。
- 一 六三四頁中七行第三字「趣」，資、磧、晉、南、徑、清無。
- 一 六三四頁中九行第三字「由」，資作「中」。
- 一 六三四頁中末行第七字「謂」，資、磧、晉、南、徑、清作「問於何等位障諸善法」。
- 一 六三四頁下一行末字「位」，資、

- 一 六三七頁上二行第二字「動」，
 一 六三七頁上四行第五字「愛」，
 一 六三五頁中一〇行第一〇字「惑」，
 一 六三五頁上三行第一一字「想」，
 一 六三五頁中七行第六字「熾」，
 一 六三七頁上三行「能感」，
 一 六三七頁上一二行第二字「動」，

- 一 六三九頁中四行「施物」，
 一 六三九頁上一七行首字「業」，
 一 六三八頁中八行第四字「邪」，
 一 六三八頁中一二行第三字「月」，
 一 六三八頁下四行第九字「害」，
 一 六三九頁上一七行首字「業」，
 一 六三七頁中二一行第七字「墮」，
 一 六三七頁下四行第六字「力」，
 一 六三七頁下一一行「與此」，
 一 六三八頁上二行「如是」，
 一 六三八頁上八行第一二字「順」，
 一 六三九頁中四行「施物」，

- 一 六三九頁中四行第五字「離」，
 一 六三九頁中末行第三字「雜」，
 一 六三九頁下一四行「分別」，
 一 六四〇頁上一三行第四字「業」，
 一 六四〇頁上末行首字「各」，
 一 六三九頁中末行第三字「雜」，
 一 六三九頁下一四行「分別」，
 一 六四〇頁上一三行第四字「業」，
 一 六四〇頁上末行首字「各」，

大乘阿毗達磨集論卷第五

璧

無著菩薩造

三藏法師玄奘奉

詔譯

決擇分中諦品第一之三

云何滅諦謂相故甚深故世俗故勝
義故不圓滿故圓滿故無莊嚴故有
莊嚴故有餘故無餘故寂勝故差別
故分別滅諦

何等相故謂真如聖道煩惱不生若
滅依若能滅若滅性是滅諦相如世
尊說眼耳及與鼻舌身及與意於此
處名色究竟滅無餘又說是故汝今
當觀是處所謂此處眼究竟滅遠離
色想乃至意究竟滅遠離法想由此
道理顯亦所緣真如境上有漏法滅
是滅諦相何等甚深故謂彼諸行究
竟寂滅如是寂滅望彼諸行不可說
異不可說不異不可說亦異亦不異
不可說非異非不異所以者何無戲
論故於此義中若生戲論非正思議
非道非如亦非善巧方便思故如世
尊說此六觸處盡離欲滅寂靜沒等

若謂有異若謂無異若謂亦有異亦
無異若謂非有異非無異者於無戲
論便生戲論乃至有六處可有諸戲
論六處既滅絕諸戲論即是涅槃
何等世俗故謂以世間道摧伏種子
所得滅是故世尊別名說為彼分涅槃
何等勝義故謂以聖慧永拔種子所
得滅何等不圓滿故謂諸有學或預
流果攝或一來果攝或不還果攝等
所有滅
何等圓滿故謂諸無學阿羅漢果攝
等所有滅
何等無莊嚴故謂慧解脫阿羅漢所
有滅何等有莊嚴故謂俱分解脫三
明六通阿羅漢等所有滅
何等有餘故謂有餘依滅
何等無餘故謂無餘依滅
何等寂勝故謂佛菩薩无住涅槃攝
所有滅以常安住一切有情利樂事故
何等差別故謂無餘永斷永出永吐
盡離欲滅寂靜沒等何故名無餘永
斷由餘句故何故名永出永出諸纏
故何故名永吐永吐隨眠故何故名

阿毗達磨集論卷第五 第三張 璧

盡見道對治得離繫故何故名離欲
修道對治得離繫故何故名滅當未
彼果苦不生故何故名寂靜於現法
中彼果心苦永不行故何故名沒餘
所有事永滅沒故何故名滅復名無
為離三相故何故名滅復名難見起
過肉眼天眼境界故何故名滅復名不
轉永離諸惡差別轉故何故名滅名
不卑屈離三愛故何故名滅復名甘
露離蘊魔故何故名滅復名无漏永
離一切煩惱魔故何故名滅復名舍
宅無罪喜樂所依事故何故名滅復
名洲渚三界隔絕故何故名滅復名
弘濟能遮一切大苦灾橫故何故名
滅復名歸依無有虛妄意樂方便所
依處故何故名滅名勝歸趣能為歸
趣一切寂勝聖性所依處故何故名
滅復名不死永離生故何故名滅名
無熱惱永離一切煩惱熱故永離一
切求不得苦大熱惱故何故名滅名
無熾然永離一切愁歎憂苦諸惱乱
故何故名滅復名安隱離怖畏住所
依處故何故名滅復名清涼諸利益

阿毗達磨集論卷第五 第三張 璧

事所依處故何故此滅復名樂事第一義樂事故何故此滅名趣吉祥為證得彼易修方便所依處故何故此滅復名無病永離一切障礙病故何故此滅復名不動永離一切散動故何故此滅復名涅槃無相寂滅大安樂住所依處故何故此滅復名無生離續生故何故此滅復名無起永離此後漸生起故何故此滅復名無造永離前際諸業煩惱勢力所引故何故此滅復名無作不作現在諸業煩惱所依處故何故此滅復名不生永離未來相續生故

如是滅諦總有四種行相差別謂滅相靜相妙相離相去何滅相煩惱離繫故去何靜相苦離繫故去何妙相樂靜事故去何離相常利益事故去何道諦謂由此道故知苦斷集證滅修道是略說道諦相道有五種謂資糧道加行道見道修道究竟道何等資糧道謂諸異生所有尸羅守護根門飲食知量初夜後夜常不睡眠勤修止觀正知而住復有所餘進

阿毗達磨集論卷第五 第四張 壁

習諸善聞所成慧思所成慧修所成慧修習此故得成現觀解脫所依器性何等加行道謂有資糧道皆是加行道或有加行道非資糧道謂已積集資糧道者所有順決擇分善根謂燦法頂法順諦忍法世第一法去何燦法謂各別內證於諸諦中明得三摩地鉢羅若及彼相應等法去何頂法謂各別內證於諸諦中明增三摩地鉢羅若及彼相應等法去何順諦忍法謂各別內證於諸諦中一分已入隨順三摩地鉢羅若及彼相應等法去何世第一法謂各別內證於諸諦中無間心三摩地鉢羅若及彼相應等法何等見道若總說謂世第一法無間无所得三摩地鉢羅若及彼相應等法又所緣能緣平等平等智為其相又遣各別有情假法假遍遣二假所緣法智為相

若別說見道差別謂世第一法無間苦法智忍苦法智苦類智忍苦類智集法智忍集法智集類智忍集類智滅法智忍滅法智滅類智忍滅類智

阿毗達磨集論卷第五 第五張 壁

道法智忍道法智道類智忍道類智如是十六智忍是見道差別相

去何苦謂苦諦去何苦法謂苦諦增上所起教法去何法智謂於加行道中觀察諦增上法智去何智忍謂先觀察增上力故於各別苦諦中起現證無漏慧由此慧故永捨見苦所斷一切煩惱是故名為苦法智忍去何苦法智謂忍無間由此智故於前所說煩惱解脫而得作證是名苦法智去何苦類智忍謂苦法智無間无漏慧生於苦法智忍及苦法智各別內證言後諸聖法皆是此種類是故名為苦類智忍去何苦類智謂此無間无漏智生審定印可苦類智忍是名苦類智如是於餘諦中隨其所應諸忍諸智盡當知

於此位中由法忍法智覺悟所取由類忍類智覺悟能取又此一切忍智位中說名安住無相觀者如是十六心剎那說名見道於所知境智生究竟名一剎那

阿毗達磨集論卷第五 第六張 壁

立故思惟故證受故圓滿故云何安立故謂聲聞等隨自所證已得究竟為欲令他亦了知故由後得智以無量種名句文身安立道諦云何思惟故謂正修習現觀方便以世間智如所安立思惟數習云何證受故謂如是數習已自內證受取初見道正出世間無戲論位云何圓滿故謂此位後圓滿轉依乃至證得究竟彼既證得究竟位已復由後得智以名句文身安立道諦

如契經言遠塵離垢於諸法中正法眼生者此依見道說諸法忍能遠塵諸法智能離垢遍知故永斷故道得清淨

如契經言見法得法極通達法究竟堅法越度一切怖望疑惑不假他緣於大師教餘不能引於諸法中得無所畏此亦依見道說見法者謂諸法忍得法者謂諸法智極通達法者謂諸類忍究竟堅法者謂諸類智越度一切怖望者由諸忍智於自所證無有希慮越度一切疑惑者於此位中

阿毗達磨集論卷第五 第七張 壁

於他所證無有猶豫不假他緣者於所修道中無他引道自然善巧於大師教餘不能引老於佛聖教不為邪道所化引故於諸法中得無所畏者於依所證問記法中諸怯劣心永無有故

何等修道謂見道上所有世間道出世間道軟道中道上道加行道無間道解脫道勝進道等皆名修道

云何世間道謂世間初靜慮第二靜慮第三靜慮第四靜慮空無邊處識無邊處無所有處非想非非想處如是靜慮無色由四種相應廣分別謂雜染故清白故建立故清淨故何等雜染故謂四無記根一愛二見三慢四無明由有愛故味上靜慮雜染所染由有見故見上靜慮雜染所染由有慢故慢上靜慮雜染所染由無明故疑上靜慮雜染所染如是煩惱恒染其心令色無色界煩惱隨煩惱相續流轉

何等清白故謂淨靜慮无色由性善故說名清白

阿毗達磨集論卷第五 第八張 壁

何等建立故有四種建立謂支分建立等至建立品類建立名想建立云何支分建立謂初靜慮有五支何等為五一尋二伺三喜四樂五心一境性第二靜慮有四支何等為四一內等淨二喜三樂四心一境性第三靜慮有五支何等為五一捨二念三正知四樂五心一境性第四靜慮有四支何等為四一捨清淨二念清淨三不苦不樂受四心一境性對治支故利益支故彼二所依自性支故諸無色中不立支分以奢摩他一味性故云何等至建立謂由七種作意證入初靜慮如是乃至非想非非想處何等名為七種作意謂了相作意勝解作意遠離作意攝樂作意觀察作意加行究竟作意加行究竟果作意云何品類建立謂初靜慮具軟中上三品熏修如初靜慮餘靜慮及無色三品熏修亦由軟中上品熏修初靜慮故於初靜慮中還生三異熟如初靜慮於餘靜慮中若熏修若生果各三品亦於無色界中無別處所

阿毗達磨集論卷第五 第九張 壁

故不立生果處所差別然由三品熏修無色定故彼異熟生時有高有下有劣有勝

云何名想建立謂於初靜慮所攝定中諸佛世尊及得究竟大威德菩薩摩訶薩所入三摩地彼三摩地一切聲聞及獨覺等尚不了其名豈能知數况復證入如於初靜慮所攝定中於餘靜慮无色所攝定中亦亦如是所說皆依靜慮波羅蜜多

何等清淨故謂初靜慮中邊際定乃至非想非非想處邊際定是名清淨云何出世道謂於修道中法智類智品所攝苦智集智滅智道智及彼相應三摩地等或未至定所攝或初靜慮乃至無所有處所攝非非想處唯是世間不明了想恒現行故由此道理故名無相如世尊言乃至有想三摩鉢底方能如實照了通達滅定亦是出世間攝由聖道後所證得故要於人趣方能引發或於人趣或於色界能現在前生無色界多不現起由住寂靜解脫異熟者於此滅定多

阿毗達磨集論卷第五 第十張 璧

不發起勤方便故

云何軟道謂軟軟軟中軟上品道由此道故能捨三界所繫地地中上上中中上下三品煩惱

云何中道謂中軟中中中上品道由此道故能捨三界所繫地地中中中中中軟三品煩惱

云何上道謂上軟上中上品道由此道故能捨三界所繫地地中軟上軟中軟軟三品煩惱

云何加行道謂由此道能捨煩惱是名修道中加行道

云何無間道謂由此道無間永斷煩惱令無所餘

云何解脫道謂由此道證斷煩惱所得解脫云何勝進道謂為斷餘品煩惱所有加行無間解脫道是名勝進道又復棄捨斷煩惱加行或勤方便

思惟諸法或勤方便安住諸法或進修餘三摩鉢底諸所有道名勝進道又為引發勝品功德或復安住諸所有道名勝進道

復云何修如是諸道謂得修習修除

阿毗達磨集論卷第五 第十張 璧

去修對治修得修者謂未生善法修

習今生習修者謂已生善法修令堅住不忘倍復增廣除去修者謂已生惡不善法修令永斷對治修者謂未

生惡不善法修令不生又道生時能安立自習氣是名得修即此道現前修習是名習修即此道現在前時能捨自障名除去修即此道既捨自障

令彼未來住不生法名對治修復有四種對治名對治修謂厭壞對治斷對治持對治遠分對治云何厭壞對

治謂於有漏諸行見多過患云何斷對治謂加行道及無間道云何持對治謂解脫道云何遠分對治謂此後諸道

又道差別有十一種謂觀察事道勤功用道修治定道現觀方便道親近現觀道現觀道清淨出離道依根差

別道淨修三學道發諸功德道遍攝諸道道如是諸道隨其次第謂三十

七善提分法四種正行四種法迹奢摩他毗鉢舍那三無漏根

此中一切善提分法皆由五門而得

阿毗達磨集論卷第五 第十張 璧

建立謂所緣故自體故助伴故修習故修果故

四念住所緣者謂身受心法復有四事謂我所依事我受用事我自體事我淨淨事自體者謂慧及念助伴者謂彼相應心心所等修習者謂於內身等修循身等觀如於內於外於內外亦亦內身者謂於此身中所有內色處外身者謂於外所有外色處內外身者謂內處相應所有外處根所依止又他身中所有內色處去何於身修循身觀謂以分別影像身與本質身平等隨觀內受者謂因內身所生受外受者謂因外身所生受內外受者謂因內外身所生受如受心法亦亦如於身修循身觀如是於受等修循受等觀如其所應又修習者謂欲勤策勵勇猛不息正念正知及不放逸修習差別故欲修習者謂為對治不作意隨煩惱勤修習者謂為對治懈怠隨煩惱策修習者謂為對治昏沉掉舉隨煩惱勵修習者謂為對治心下劣性隨煩惱勇猛修習者謂為對

阿毗達磨集論卷第五 第三段 覽

治疎漏疲倦隨煩惱不息修習者謂為對治得少非法生知足喜隨煩惱正念修習者謂為對治忘失尊教隨煩惱正知修習者謂為對治毀犯追悔隨煩惱不放逸修習者謂為對治捨諸善軌隨煩惱修果者謂斷四顛倒趣入四諦身等離繫

四正斷所緣者謂已生未生所治能治法自體者謂精進助伴者謂彼相應心心所等修習者如契經說生欲策勵發起正勤策心持心此中諸句顯修正勤及所依止所依止者謂欲正勤者謂策勵等於止舉捨相作意中為欲損減昏沉掉舉發起正勤故次說言策心持心修果者謂盡棄捨一切所治於能對治若得若增是名修果

四神足所緣者謂已成滿定所作事自體者謂三摩地助伴者謂欲勤心觀及彼相應心心所等云何欲三摩地謂由殷重方便觸心一境性云何勤三摩地謂由無間方便觸心一境性云何心三摩地謂由先修三摩地

阿毗達磨集論卷第五 第四段 覽

力觸心一境性云何觀三摩地謂由聞他教法內自簡擇觸心一境性又欲三摩地者謂由生欲觸心一境性勤三摩地者謂由策勵發起正勤觸心一境性心三摩地者謂由持心觸心一境性觀三摩地者謂由策心觸心一境性修習者謂數修習八種斷行何等為八謂欲精進信安正念正知思捨如是八種略攝為四謂加行攝受繼屬對治又欲勤心觀修有二種謂并因緣聚散遠離修不劣不散彼二所依隨順修修果者謂已善修治三摩地故隨所欲證所通達法即能隨心通達變現又於別別處所法中證得堪能自在作用如所願樂能辦種種神通等事又能引發勝品功德五根所緣者謂四聖諦自體者謂信精進念定慧助伴者謂彼相應心心所等修習者謂信根於諸諦起忍可行修習精進根於諸諦生忍可已為覺悟故起精進行修習念根於諸諦發精進已繫念起不忘失行修習定根於諸諦既繫念已起心一境性行

阿毗達磨集論卷第五 第十五段 覽

修習慧根於諸諦心既得定起簡擇
行修習修果者謂能速發諦現觀及
能修治煖頂引發忍世第一法
如五根五力亦亦差別者由此能損
減所對治障不可屈伏故名為力
七覺支所緣者謂四聖諦如實性自
體者謂念擇法精進喜安定捨念是
所依支擇法是自體支精進是出離
支喜是利益支安定捨是不染汙支
由此不染汙故依此不染汙故體是
不染汙故助伴者謂彼相應心心所
等修習者謂依止遠離依止無欲依
止寂滅迴向棄捨修念覺支如念覺
支乃至捨覺支亦亦如是四句次第
顯示緣四諦境修習覺支修果者謂
見所斷煩惱永斷

阿毗達磨集論卷第五 第六 頌

德障支助伴者謂彼相應心心所等
修習者如覺支說修果者謂分別誨
亦他令信煩惱郭淨隨煩惱障淨
取勝功德障淨故

四種正行者謂苦遲通行苦速通行
樂遲通行樂速通行初謂鉢根未得
根本靜慮第二謂利根未得根本靜
慮第三謂鉢根已得根本靜慮第四
謂利根已得根本靜慮四種法迹者
謂無貪無瞋正念正定無貪無瞋能
令增上戒學清淨正念能令增上心
學清淨正定能令增上慧學清淨
奢摩他者謂於內攝心令住等住安
住近住調順寂靜取極寂靜專注一
趣平等攝持毗鉢舍那者謂簡擇諸
法取極簡擇普遍尋思周審觀察為
欲對治麤重相結故為欲制伏諸顛
倒故令無倒心善安住故
又依奢摩他毗鉢舍那立四種道或
有一類已得奢摩他非毗鉢舍那此
類依奢摩他進修毗鉢舍那或有一
類已得毗鉢舍那非奢摩他此類依
毗鉢舍那進修奢摩他或有一類不

阿毗達磨集論卷第五 第十七 頌

得奢摩他亦非毗鉢舍那此類專心
制伏憍沉掉舉雙修二道或有一類
已得奢摩他及毗鉢舍那此類奢摩
他毗鉢舍那二道和合平等雙轉
二根者謂未知當知根已知根具知
根去何未知當知根謂於加行道及
於見道十五心剎那中所有諸根去
何已知根謂從第十六見道心剎那
已上於一切有學道中所有諸根去
何具知根謂於無學道所有諸根
依初靜慮地現修道時亦修欲界繫
所有善根於彼得自在故如依初靜
慮地修欲界善根如是依一切上地
現修道時皆能修習下界下地所有
善根於彼得自在故
何等究竟道謂依金剛喻定一切麤
重永已息故一切繫得永已斷故永
證一切離繫得故從此次第無間轉
依證得盡智及无生智十無學法等
何等為十謂無學正見乃至無學正
定無學正解脫無學正智如是等法
名究竟道

阿毗達磨集論卷第五 第十八 頌

云何名為一切麤重略說有二十四

種謂一切遍行戲論麤重領受麤重
 煩惱麤重業麤重異熟麤重煩惱障
 麤重業障麤重異熟障麤重蓋麤重
 尋思麤重飲食麤重交會麤重夢麤
 重病麤重老麤重死麤重勞倦麤重
 堅固麤重麤重中麤重細麤重煩
 惱障麤重定障麤重所知障麤重
 云何繫得謂於麤重積集假立繫得性
 云何離繫得謂於麤重離散假立離
 繫得性

云何金剛喻定謂居修道最後斷結
 道位所有三摩地或加行道攝或無
 閒道攝加行道攝者謂從此已去非
 一切障所礙能破一切障無閒道攝
 者謂從此無閒盡智無生智生又此
 三摩地無閒堅固一味遍滿為顯此
 義薄伽梵說如大石山無缺无隙無
 穴一段極善圓滿十方猛風所不動轉
 云何名為無閒轉依謂已證得無學
 道者三種轉依何等為三謂心轉依
 道轉依麤重轉依
 云何盡智謂由因盡所得智或緣盡
 為境

阿毗達磨集論卷第五 第十九張 壁

云何無生智謂由果斷所得智或緣
 果不生為境

十無學法當知依止無學戒蘊定蘊
 慧蘊解脫蘊解脫智見蘊訖

如是道諦揔有四種行相差別謂道
 相如相行相出相云何道相因此尋
 求真實義故云何如相以能對治諸
 煩惱故云何行相善能成辦心令不
 顛倒故云何出相趣真常迹故於諸
 諦中十六行相皆通世間及出世間
 世間出世間有何差別於所知境不
 善悟入善悟入性差別故有障無障
 性差別故有分別無分別性差別故
 所以者何於諸諦中無常苦等十六
 世間行相不善通達真如性故煩惱
 所隨眠故依名言門起戲論故出世
 行相與此相違出世行相現在前時
 雖復現證見無常義然不依名言戲
 論門見此是无常義如無常行相於
 無常義餘行相於餘義隨其所應當
 知亦尔

大乘阿毗達磨集論卷第五

癸卯歲高麗國大藏都監奉

勅雕造

阿毗達磨集論卷第五 第十九張 壁

大乘阿毗達磨集論卷第五
 校勘記

- 一 底本，麗藏本。此卷金藏廣勝寺本見存，殘不可用。
- 一 六四二頁中一二行第二字「所」，石無。
- 一 六四三頁上六行「寂滅」，經作「寂靜」。
- 一 六四三頁上二二行第一二字「常」，諸本作「嘗」。
- 一 六四五頁上二行首字「修」，經作「習」。
- 一 六四五頁上一八行第七字「相」，資、續、晉、南、經、清作「想」。
- 一 六四七頁中一四行第一三字「注」，諸本作「住」。
- 一 六四八頁上六行第五字「鹿」，資、續、晉、南、經、清作「上」。



大乘阿毗達磨集論卷第六

唐

無著菩薩造

三藏法師玄奘奉詔譯

決擇分中法品第二

云何法決擇法者謂十二分聖教何者十二一契經二應頌三記別四諷頌五自說六緣起七譬喻八本事九本生十方廣十一希法十二論議何等契經謂以長行綴緝略說所應說義如來觀察十種勝利綴綴長行略說諸法謂易可建立易可宣說易可受持恭敬法故菩提資糧速得圓滿速能通達諸法實性於諸佛所得證淨信於法僧所得證淨信觸證第一現法樂住談論決擇悅智者心得預聰明英叡者數何等應頌即諸經或中或後以頌重頌又不了義經應更頌釋故名應頌何等記別謂於是處聖弟子等謝往過去記別得失生處差別又了義經說名記別記別開示深密意故何等諷頌謂諸經中以句宣說或以

二句或三或四或五或六

何等自說謂諸經中或時如來悅意自說何等緣起謂因請而說又有因緣制立學處亦名緣起

何等譬喻謂諸經中有比况說

何等本事謂宣說聖弟子等前世相應事

何等本生謂宣說菩薩本行藏相應事

何等方廣謂菩薩藏相應言說如名方廣亦名廣破亦名無比為何義故名為方廣一切有情利益安樂所依處故宣說廣大甚深法故為何義故名為廣破以能廣破一切障故為何義故名為無比无有諸法能比類故

何等希法若於是處宣說聲聞諸大菩薩及如來等最極希有甚奇特法何等論議若於是處無有顛倒解釋一切深隱法相

如是契經等十二分聖教三藏所攝何等為三一素怛纒藏二毗奈耶藏三阿毗達磨藏此復有二一聲聞藏二菩薩藏契經應頌記別諷頌自說

此五聲聞藏中素怛纒藏攝緣起譬

此五聲聞藏中素怛纒藏攝緣起譬

此五聲聞藏中素怛纒藏攝緣起譬

此五聲聞藏中素怛纒藏攝緣起譬

此五聲聞藏中素怛纒藏攝緣起譬

阿毘達磨集論卷第六 第三張 譬字下

喻本事本生此四二截中毗奈耶截并眷屬攝方廣希法此二菩薩截中素恒纒截攝論議一種聲聞菩薩二截中阿毘達磨截攝何故如來建立三截為欲對治疑隨煩惱故建立素恒纒截為欲對治受用二邊隨煩惱故建立毗奈耶截為欲對治自見取執隨煩惱故建立阿毘達磨截復次為欲開示三種學故建立素恒纒截為欲成立增上戒學增上心學故建立毗奈耶截為欲成立增上慧學故建立阿毘達磨截復次為欲開示正法義故建立素恒纒截為顯法義作證安足處故建立毗奈耶截為令智者論議決擇受用法樂住故建立阿毘達磨截

如是三截所攝諸法為誰所行是聞所成思所成修所成心心所法所行如契經說諸心心所法有所緣有行相有所依及相應彼於此法為何所緣謂契經等作何行相謂蓋等相應義為何所依謂他表了憶念習氣何等相應謂手為助伴於所緣行相平

阿毘達磨集論卷第六 第四張 譬字下

等解了

六何於法所緣差別若略說有四種謂遍滿所緣淨行所緣善巧所緣淨感所緣

遍滿所緣復有四種謂有分別影像所緣無分別影像所緣事邊際所緣所作成就所緣有分別影像所緣者謂由勝解作意所有奢摩他毗鉢舍那所緣境界無分別影像所緣者謂由真實作意所有奢摩他毗鉢舍那所緣境界事邊際所緣者謂一切法盡所有性如所有性盡所有性者謂蓋界處如所有性者謂四聖諦十六行相真如一切法無常一切行苦一切法無我涅槃寂靜空無願無相所作成就所緣者謂轉依如是轉依不可思議十六行相中空攝幾行相謂二無願攝幾行相謂六無相攝幾行相謂八

淨行所緣復有五種謂多貪行者緣不淨境多瞋行者緣修慈境多癡行者緣眾緣性諸緣起境憍慢行者緣界差別境尋思行者緣入出息念境

阿毘達磨集論卷第六 第五張 譬字下

善巧所緣亦有五種謂蓋善巧界善巧處善巧緣起善巧處非處善巧處非處善巧應云何觀應如緣起善巧觀處非處善巧緣起善巧有何差別若以諸法流潤諸法令離無因不平等因生故是緣起善巧因果相攝攝受生故是處非處善巧

淨感所緣者謂下地麤性上地靜性真如及四聖諦是名淨感所緣

若欲於法勤審觀察由樂道理能正觀察由四道理謂觀待道理作用道理證成道理法外道理云何觀待道理謂諸行生時要待眾緣云何作用道理謂異相諸法各別作用云何證成道理謂為證成所應成義宜說諸量不相違語云何法外道理謂無始時來於自相共相所住法中所有成就法性法外

於諸法中正勤觀察云何於法而起尋思謂起四種尋思一名尋思二事尋思三自體假立尋思四差別假立尋思云何名尋思謂推求諸法名身句身文身自相皆不成實云何事尋

思謂推求諸法蓋界處相皆不成實
去何自體假立尋思謂於諸法能詮
所詮相應中推求自體唯是假立名
言因性去何差別假立尋思謂於諸
法能詮所詮相應中推求差別唯是
假立名言因性

於法正勤修尋思已去何於法起如
實智謂起四種如實智一名尋思所
引如實智二事尋思所引如實智三
自體假立尋思所引如實智四差別
假立尋思所引如實智去何名尋思
所引如實智謂如實知名不可得智
去何事尋思所引如實智謂如實知
事相亦不可得智去何自體假立尋
思所引如實智謂如實知實有自性
不可得智去何差別假立尋思所引
如實智謂如實知實有差別不可得智
依法勤修三摩地者瑜伽地去何當
知有五種一持二作三鏡四明五依
去何持謂已積集善根資糧於煖等
位於諸聖諦所有多聞去何作謂緣
此境如理作意去何鏡謂緣境有相
三摩地去何明謂能取所取無所得

智依此道理佛薄伽梵妙善宣說
菩薩於定位 觀影唯是心 義想既滅除
審觀唯自想 如是住內心 知所取非有
次能取亦無 後觸无所得

去何依謂轉依捨離諸塵重得清淨
轉依故於諸法中去何法善巧謂多
聞故去何義善巧謂於阿毗達磨毗
奈耶中善知其相故

去何文善巧謂善知訓釋文詞故去
何詞善巧謂能善知我所等世俗
言詞不深執著隨順說故去何前際
後際密意善巧謂能善知於前際領
受於後際出離故

於諸法中去何住法若不得修慧唯
勤方便修習聞思不名住法若不得
聞思唯勤方便修習修慧亦不名住
法若俱得二種方便安住乃名住法
若唯於法受持讀誦為他演說思惟
其義是名聞思若修三摩地方便不
知足是名修慧三摩地方便者謂無
間殷重方便及无倒方便不知足者
謂不生味著修上奢摩他方便
何因緣故唯方便一分名為菩薩波

羅塞多蔽由此分中廣說一切波羅
塞多數故相故次第故釋詞故修故
差別故攝故所治故功德故更牙決
擇故

何緣方廣分名廣大甚深由一切種
智性廣大甚深故

何因緣故一分眾生於方廣分廣大
甚深不生勝解反懷怖畏由遠離法
性故未種善根故惡友所攝故

何因緣故一分眾生於方廣分廣大
甚深雖生勝解而不出離由深安住
自見取故常堅執著心言義故依此
密意薄伽梵於大法鏡經中說如是
言若諸菩薩隨言取義不如正理思
禪法故便生二十八不正見何等名
為二十八不正見謂相見損減施設
見損減分別見損減真實見攝受見
轉變見無罪見出離見輕毀見憤發
見顛倒見出生見不立宗見矯亂見
敬事見堅固愚癡見根本見於見無
見見捨方便見不出離見障增益見
生非福見无功果見受辱見誹謗是
不可與言見廣大見增上慢見

阿毘達磨集論卷第六 第九張 聖字

如方廣分說一切諸法皆无自性依何密意說謂無自然性故無自體性故無住自體故无如愚夫所取相性故復次於遍計所執自性由相無性故於依他起自性由生無性故於圓成實自性由勝義無性故

又於彼說言一切諸法无生無滅本來寂靜自性涅槃依何密意說如無自性無生亦无如无生无滅亦无如無生无滅本來寂靜亦无如本來寂靜自性涅槃亦无

復次有四種意趣由此意趣故方廣分中一切如來所有意趣應隨決了何等為四一平等意趣二別時意趣三別義意趣四補特伽羅意樂意趣復次有四種秘密由此秘密故於方廣分中一切如來所有秘密應隨決了何等為四一令入秘密二相秘密三對治秘密四轉變秘密

復次方廣分中於法三摩地善巧菩薩相去何可知謂由五種因故一剎那剎那消除一切麤重所依二出離種種想得樂法樂三了知无量無分

阿毘達磨集論卷第六 第十張 聖字

別相四順清淨分无分別相恒現在前五能攝受轉上轉勝圓滿成就佛法身因

聲聞藏法菩薩藏法等從如來法身所流何因緣故以香鬘等供養恭敬菩薩藏法便生廣大無邊福聚非聲聞藏法以菩薩藏法是一切眾生利益安樂所依處故能建大義故無上无量大功德聚所生處故

不乘阿毘達磨集論決擇分中得品第三六何得決擇略說有二種一建立補特伽羅故二建立現觀故

去何建立補特伽羅略有七種謂病行差別故出離差別故任持差別故方便差別故果差別故界差別故修行差別故應知建立補特伽羅

去何病行差別此有七種謂貪行瞋行癡行慢行尋思行等分行薄塵行補特伽羅差別故

去何出離差別此有三種謂聲聞乘獨覺乘大乘補特伽羅差別故去何任持差別此有三種謂未具資糧已具未具資糧已具資糧補特伽

阿毘達磨集論卷第六 第十一張 聖字

羅差別故

去何方便差別此有二種謂隨信行隨法行補特伽羅差別故

去何果差別此有二十七種謂信勝解見至身證慧解脫俱分解脫預流向預流果一來向一來果不還向不還果阿羅漢向阿羅漢果極七返有家家一間中般涅槃生般涅槃無行般涅槃有行般涅槃上流退法阿羅漢思法阿羅漢護法阿羅漢住不動阿羅漢堪達阿羅漢不動法阿羅漢補特伽羅差別故去何界差別謂欲界異生有學無學如欲界有三色無色界亦尔又有欲色界菩薩又有欲界獨覺及不可思議如來補特伽羅差別故

去何修行差別略有五種一勝解行菩薩二增上意樂行菩薩三有相行菩薩四無相行菩薩五無功用行菩薩補特伽羅差別故

何等貪行補特伽羅謂有猛利長時貪欲如是瞋行癡行慢行及尋思行補特伽羅皆有猛利長時差別何等

等分行補特伽羅謂住自性位煩惱
何等薄塵行補特伽羅謂住自性位
微薄煩惱

何等聲聞乘補特伽羅謂住聲聞法
性若定若不定性是鈇根自求解脫
發引正願修厭離貪解脫意樂以聲
聞藏為所緣境精進修行法隨法行
得盡苦際何等獨覺乘補特伽羅謂
住獨覺法性若定若不定性是中根
自求解脫發引正願修厭離貪解脫
意樂及修獨證菩提意樂即聲聞藏
為所緣境精進修行法隨法行或先
未起順決擇分或先已起順決擇分
或先未得果或先已得果出無佛世
唯內思惟聖道現前或如麟角獨住
或復獨勝部行得盡苦際何等大乘
補特伽羅謂住菩薩法性若定若不
定性是利根為求解脫一切有情發
引正願修无住處涅槃意樂以菩薩
藏為所緣境精進修行法隨法行成
熟衆生修淨佛土得受大記證成無
上正等菩提
何等未具資糧補特伽羅謂緣諦增

上法為境發起軟品清信勝解成就
軟品順解脫分未定生時何等已具
未具資糧補特伽羅謂緣諦增上法
為境發起中品清信勝解成就中品
順解脫分已定生時何等已具資糧
補特伽羅謂緣諦增上法為境發起
上品清信勝解成就上品順解脫分
即此生時

又未具資糧者謂緣諦增上法為境
於諸諦中成就下品諦察法忍成就
下品順決擇分未定生時已具未具
資糧者謂緣諦增上法為境於諸諦
中成就中品諦察法忍成就中品順
決擇分已定生時已具資糧者謂緣
諦增上法為境於諸諦中成就上品
諦察法忍成就上品順決擇分即此
生時
此中三品順決擇分者謂除世第一
法由此世第一法性唯一剎那必不
相續即此生時定入現觀非前位故
從下中品順解脫分順決擇分有可
退義此唯退現行非退習氣已依涅
槃先起善根者不復新發起故何等

隨信行補特伽羅謂資糧已具性是
鈇根隨順他教修諦現觀何等隨法
行補特伽羅謂資糧已具性是利根
自然隨順諦增上法修諦現觀
何等信勝解補特伽羅謂隨信行已
至果位
何等見至補特伽羅謂隨法行已至
果位

何等身證補特伽羅謂諸有學已具
證得八解脫定何等慧解脫補特伽
羅謂已盡諸漏而未具證八解脫定
何等俱分解脫補特伽羅謂已盡諸
漏及具證得八解脫定

何等預流向補特伽羅謂住順決擇
分位及住見道十五心剎那位何等
預流果補特伽羅住見道第十六心
剎那位即此見道亦名趣入正性決
定亦名於法現觀若於欲界未離欲
者後入正性決定位得預流果若於
欲界離欲者後入正性決定位得
一來果若已離欲界欲者後入正性
決定位得不還果若已永斷見道所
斷一切煩惱得預流果何故但言永

斷三結得預流果取勝攝故何故取
 勝以於解脫是不發趣因故雖已發
 趣復為邪出離因故及為不正出離
 因故又此三結是迷所知境因故迷
 見因故迷對治因故何等一來向補
 特伽羅謂於修道中已斷欲界五品
 煩惱安住彼道何等一來果補特伽
 羅謂於修道中已斷欲界第六品煩
 惱安住彼道何等不還向補特伽羅
 謂於修道中已斷欲界第七第八品
 煩惱安住彼道何等不還果補特伽
 羅謂於修道中已斷欲界第九品煩
 惱安住彼道若已永斷一切見道所
 斷煩惱及已永斷欲界修道所斷一
 切煩惱得不還果何故但言永斷五
 順下分結得不還果取勝攝故何故
 取勝能為下趣下界勝因故何等向
 羅漢向補特伽羅謂已永斷有頂八
 品煩惱安住彼道何等阿羅漢果補
 特伽羅謂已永斷有頂第九品煩惱
 安住彼究竟道若阿羅漢永斷三界
 一切煩惱何故但言永斷五順上分
 結得阿羅漢果取勝攝故何故取勝

阿毘達磨集論卷第六 第七品 雙字號

是取上分因及不捨上分因故
 何等極七返有補特伽羅謂即預流
 果於人天生往來雜受極至七返得
 盡苦際何等家家補特伽羅謂即預
 流果或於天上或於人中從家至家
 得盡苦際何等一間補特伽羅謂即
 一來果或於天上唯受一有得盡苦
 際何等中般涅槃補特伽羅謂生結
 已斷起結未斷或中有纒起即便聖
 道現前得盡苦際或中有起已為趣
 生有纒起思惟即便聖道現前得盡
 苦際或思惟已發趣生有未到生有
 即便聖道現前得盡苦際何等生般
 涅槃補特伽羅謂二結俱未斷纒生
 色界已即便聖道現前得盡苦際何
 等無行般涅槃謂生彼已不由加行
 聖道現前得盡苦際何等有行般涅
 槃補特伽羅謂生彼已由加行力聖
 道現前得盡苦際
 何等上流補特伽羅謂於色界地地
 中皆受生已乃至取後入色究竟於
 彼无漏聖道現前得盡苦際復有乃
 至往到有頂聖道現前得盡苦際又

阿毘達磨集論卷第六 第七品 雙字號

雜修第四靜慮有五品差別一下品
 修二上品修三上品修四上品修
 五上極品修由此五品雜修第四靜
 慮故如其次第生五淨居
 何等退法阿羅漢謂鈍根性若遊散
 若不遊散若思惟若不思惟皆可退
 失現法樂住何等思法阿羅漢謂鈍
 根性若遊散若不遊散若不思惟即
 可退失現法樂住若思惟已能不退
 失何等護法阿羅漢謂鈍根性若遊
 散便可退失現法樂住若不遊散即
 能不退何等住不動阿羅漢謂鈍根
 性若遊散若不遊散皆能不退見法
 樂住亦不能練根何等堪達阿羅漢
 謂鈍根性若遊散若不遊散皆能不
 退現法樂住然堪能練根何等不動
 法阿羅漢謂利根性若遊散若不遊
 散皆能不退現法樂住
 何等欲界異生補特伽羅謂於欲界
 若生若長不得聖法何等欲界有學
 補特伽羅謂於欲界若生若長已得
 聖法猶有餘結何等欲界无學補特
 伽羅謂於欲界若生若長已得聖法

無有餘結如欲界有三色無色亦亦
何等欲色界菩薩補特伽羅謂與滅
離无色界生靜慮相應住靜慮樂而
生欲界或生色界何等欲界獨覺補
特伽羅謂无佛出世時生於欲界自
然證得獨覺菩提

何等不可思議如來補特伽羅謂且
於欲界始從亦現安住觀史多天妙
寶宮殿乃至亦現大般涅槃示現一
切諸佛菩薩所行大行何等勝解行
菩薩補特伽羅謂住勝解行地中成
就菩薩下中上忍何等增上意樂行
菩薩補特伽羅謂十地中所有菩薩
何等有相行菩薩補特伽羅謂住極
喜離垢發光焰慧極難勝現前地中
所有菩薩何等无相行菩薩補特伽
羅謂住遠行地中所有菩薩何等無
功用行菩薩補特伽羅謂住不動善
慧法雲地中所有菩薩

復次如說預流果補特伽羅此有二
種一漸出離二頓出離漸出離者如
前廣說頓出離者謂入諦現觀已依
上未至定發出世間道頓斷三界一

切煩惱品別斷唯立二果謂預流
果阿羅漢果如是補特伽羅多於現
法或臨終時善辯聖旨設不能辯由
願力故即以願力還生欲界出無佛
世成獨勝果

大乘阿毗達磨集論卷第六

校勘記

- 一 底本，金藏廣勝寺本。
- 一 六四九頁中六行第四字「一」，[資]、[磧]、[普]、[南]、[徑]、[清]作「一者」。
- 一 六五〇頁中一四行第七字「法」，諸本作「行」。
- 一 六五〇頁下一一行「作用」，[資]作「作因」。
- 一 六五一頁中三行「唯自」，[徑]作「唯是」。
- 一 六五一頁中二一行「无倒」，[石]、[資]、[磧]、[普]、[南]、[徑]、[清]作「无顛倒」。
- 一 六五一頁下八行第七字「反」，[資]、[磧]、[普]、[南]、[徑]、[清]作「及」。
- 一 六五一頁下二二行末字「是」，諸本作「見」。
- 一 六五二頁上五行第四字「起」，[石]無。
- 一 六五二頁中一〇行「大乘阿毗達磨集論」，[徑]、[清]無，下同。「第三」，

- 一 石、徑、清、麗作「第三之一」。
- 一 六五三頁中一行及二行「軟品」，
資、磧、普、南、徑、清作「煥品」。
- 一 六五三頁中四行「勝解」，石作「解
脫」。
- 一 六五三頁中末行第一〇字「發」，
石無。
- 一 六五三頁下一六行第八字「住」，
諸本作「謂住」。
- 一 六五三頁下二〇行第三字「倍」，
資、磧、普、南、徑、清作「位」。
- 一 六五四頁上一五行「不還果」，
徑作「不煩惱」。
- 一 六五四頁下一三行第一三字「見」，
諸本作「現」。
- 一 六五四頁下一四行「亦不」，
徑作「若不」。
- 一 六五五頁上二行末字「減」，
石、麗作「減」。
- 一 六五五頁上末行首字「上」，
諸本作「止」。

大乘阿毗達磨集論卷第七

壁

無著菩薩造

三藏法師玄奘奉 詔譯

決擇分中得品第三之二

云何建立現觀略有十種謂法現觀
義現觀真現觀後現觀實現觀不行
現觀究竟現觀聲聞現觀獨覺現觀
菩薩現觀

何等法現觀謂於諸諦增上法中已
得上品淨信勝解隨信而行

何等義現觀謂於諸諦增上法中已
得上品諦察法忍此忍居順決擇分

位此由三種如理作意所顯發故復
成三品謂上軟上中上上何等真現

觀謂已得見道十六心剎那位所有
聖道又見道中得現觀邊安立諦世

俗智不現在前於修道位此世俗智
方可現前何等後現觀謂一切修道

何等實現觀謂於佛證淨於法證淨
於僧證淨何等不行現觀謂已證得

无作律儀雖居學位而謂我今已盡
部落迦已盡傍生已盡餓鬼已盡冀

墜惡趣我不復造惡趣業感惡趣異
熟何等究竟現觀如道諦中究竟道

說何等聲聞現觀謂前所說七種現
觀從聞他音而證得故名聲聞現觀

何等獨覺現觀謂前所說七種現觀
不由他音而證得故名獨覺現觀何

等菩薩現觀謂諸菩薩於前所說七
種現觀中起修習忍而不作證然於菩

薩極喜地中入諸菩薩正性決定是
名菩薩現觀

聲聞現觀菩薩現觀有何差別略說
有十一種謂境界差別任持差別通

達差別指願差別出離差別攝受差
別建立差別眷屬差別勝生差別生

差別果差別
其果差別復有十種謂轉依差別功

德圓滿差別五相差別三身差別涅
槃差別證得和合智用差別障清淨

差別和合作業差別方便示現成等
正覺入般涅槃差別五種拔濟差別

諸无量等最勝功德何現觀攝後現
觀究竟現觀攝彼復云何謂无量解

脫勝處遍處無諍願智无礙解神通

阿毗達磨集論卷第七 第七 壁

相隨好清淨力无畏念住不護無忘

失法永斷習氣大悲不共佛法一切
種妙智如是等功德諸契經中處處

宣說
無量者謂四无量云何慈謂依止靜

慮於諸有情與樂相應意樂住具足
中若定若慧及彼相應諸心所云

何悲謂依止靜慮於諸有情離苦意
樂住具足中若定若慧餘如前說云

何喜謂依止靜慮於諸有情不離樂
意樂住具足中若定若慧餘如前說

云何捨謂依止靜慮於諸有情利益
意樂住具足中若定若慧餘如前說

解脫者謂八解脫云何有色觀諸色
謂依止靜慮於內未伏見者色想或

現安立見者色想觀所見色住具足
中若定若慧及彼相應諸心所乃

至為解脫變化障云何內無色想觀
外諸色謂依止靜慮於已伏見者色

想或現安立見者无色想觀所見色
住具足中若定若慧餘如前說云何

淨解脫身作證具足住謂依止靜慮
於內淨不淨諸色已得展轉相待想

阿毗達磨集論卷第七 第七 壁

展轉相入想展轉一味想故於彼已
得住具足中若定若慧餘如前說乃
至為解脫淨不淨變化煩惱生起障
云何無邊空處解脫謂於隨順解脫
無邊空處住具足中若定若慧餘如
前說如無邊空處解脫無邊識處無
所有處非想非非想處解脫亦亦乃
至為解脫寂靜解脫無障礙障云何
想受滅解脫謂依止非想非非想處
解脫超過諸餘寂靜解脫住於似真
解脫住具足中心心所滅為解脫想
受滅障

勝處者謂八勝處前四勝處由二解
脫所建立後四勝處由一解脫所建
立此中解脫是意解所緣勝處是勝
伏所緣自在轉故依有情數非有情
數說色少多依淨不淨說色好惡依
人與天說色劣勝餘如解脫中說勝
伏所緣故名勝處
遍處者謂十遍處所緣遍滿故名遍
處於其遍滿住具足中若定若慧及
彼相應心心所法是名遍處何故於
造處建立地等由此遍處觀所依能

阿毗達磨集論卷第七 第五張 壁

依色皆遍滿故餘隨所應如解脫說
如是遍處能成滿解脫
無諍者謂依止靜慮於防護他所應
起煩惱住具足中若定若慧及彼相
應諸心心所願智者謂依止靜慮於
為了所知願具足中若定若慧餘如
前說

無導解者謂四無礙解云何法無導
解謂依止靜慮於一切法名差別無
導具足中若定若慧餘如前說云何
義無導解謂依止靜慮於諸相及意
趣無礙具足中若定若慧餘如前說
云何訓詞無礙解謂依止靜慮於諸
方言音及訓釋諸法言詞無導具足
中若定若慧餘如前說云何辯才無
導解謂依止靜慮於諸法差別無導
具足中若定若慧餘如前說

神通者謂六神通云何神境通謂依
止靜慮於種種神變威德具足中若
定若慧及彼相應諸心心所云何天
耳通謂依止靜慮於隨聞種種音聲
威德具足中若定若慧餘如前說云
何心差別通謂依止靜慮於入他有

阿毗達磨集論卷第七 第五張 壁

情心行差別威德具足中若定若慧
餘如前說云何宿住隨念通謂依止
靜慮於隨念前際所行威德具足中
若定若慧餘如前說云何死生通謂
依止靜慮於觀有情死生差別威德
具足中若定若慧餘如前說云何漏
盡通謂依止靜慮於漏盡智威德具
足中若定若慧及彼相應諸心心所
相隨好者謂依止靜慮於相隨好莊
嚴所依亦現具足中若定若慧及彼
相應諸心心所并彼所起異熟
清淨者謂四清淨云何依止清淨謂
依止靜慮於隨所欲依止取住捨具
足中若定若慧及彼相應諸心心所
云何境界清淨謂依止靜慮於隨所
欲境界變化智具足中若定若慧餘
如前說云何心清淨謂依止靜慮於
如所欲三摩地門自在具足中若定
若慧餘如前說云何智清淨謂依止
靜慮於隨所欲陀羅尼門任持具足
中若定若慧餘如前說
力者謂如來十力云何處非處智力
謂依止靜慮於一切種處非處智具

阿毗達磨集論卷第七 第六張 壁

足中若定若慧及彼相應諸心心所
六何自業智力謂依止靜慮於一切
種自業智具足中若定若慧餘如前
說餘力隨應當知亦亦

無畏者謂四元畏去何正等覺無畏
謂依止靜慮由自利門於一切種所
知境界正等覺自稱德号建立具足
中若定若慧及彼相應諸心心所六
何漏盡無畏謂依止靜慮由自利門
於一切種漏盡自稱德号建立具足
中若定若慧餘如前說去何障法無
畏謂依止靜慮由利他門於一切種
說障礙法自稱德号建立具足中若
定若慧餘如前說去何出苦道無畏
謂依止靜慮由利他門於一切種說
出苦道法自稱德号建立具足中若
定若慧餘如前說

念住者即三念住謂御大衆時於一
切種雜染不現行具足中若定若慧
餘如前說
不護者即三不護謂御大衆時於隨
所欲教授教誡方便具足中若定若
慧餘如前說無忘失法者謂於一切

阿毗達磨集論卷七 第三張 壁

種隨其所作所說明記具足中若定
若慧餘如前說
永斷習氣者謂一切智者於非一切
智所作不現行具足中若定若慧餘
如前說

大悲者謂於緣無間苦境大悲住具
足中若定若慧餘如前說
不共佛法者即十八種不共佛法謂
於不共身語意業清淨具足中於所
依及果根未得不退具足中於不共
業現行具足中於不共智住具足中
若定若慧餘如前說

一切種妙智者謂於蘊界處一切種
妙智性具足中若定若慧及彼相應
諸心心所
去何引發如是等功德謂依止清淨
四靜慮若外道若聲聞若菩薩等引
發四無量五神通多分依止邊際第
四靜慮若聲聞若菩薩若如來等引
發所餘功德何因引發如是功德謂
依止靜慮數數思惟隨所建立法故
如是等功德略有二種一現前發起
自所作用二安住自性若現發起自

阿毗達磨集論卷七 第八張 壁

所作用以出世後所得世俗智為體
若安住自性用出世智為體
無量作何業謂捨所治障哀愍住故
能速圓滿福德資糧成熟有情心無
厭倦

解脫作何業謂引發變化事於淨不
淨變化無有艱難於寂靜解脫無有
滯礙能住第一寂靜聖住由勝解思
惟故
勝處作何業謂能令前三解脫所緣
境界自在而轉由勝伏所緣故
遍處作何業謂善能成辦解脫所緣
遍滿流布故

無諍作何業謂所發語言聞皆信伏
愛護他心取為勝故如其所應發語
言故
願智作何業謂能善記別三世等事
一切世間咸所恭敬由遠一切衆衆
所歸仰故
無尋解作何業謂善說法要悅衆生
心能絕一切所疑網故
神通作何業謂以身業語業記心化
導有情令入聖教善知有情一切心

阿毗達磨集論卷七 第九張 壁

行及過未已如應教授令永出離
相及隨好作何業謂能令暫見謂大
丈夫心生淨信

清淨作何業謂由此勢力故取生有
隨其樂欲或住一劫或復劫餘或捨
壽行或於諸法自在而轉或於諸定
自在而轉或復任持諸佛正法

力作何業謂為除捨無因惡因論不
作而得論无倒宣說增上生道悟入
一切有情心行正說法品意樂隨眠
境界資糧當能出離隨其所應宣說
決定勝道降伏諸魔善能記別一切
問論

無畏作何業謂處大眾中自正建立
我為大師摧伏一切邪難外道

念住作何業謂能不染汙攝御大眾
不護作何業謂能無間斷教授教誡
所化徒眾

無忘失法作何業謂能不捨離一切
佛事永斷習氣作何業謂離諸煩惱
亦不顯現似諸煩惱所作事業
大悲作何業謂日夜六時遍觀世間
不共佛法作何業謂由身語意業清

阿毗達磨集論卷七 第十張 壁

淨已得不退若行若住映蔽一切聲
聞獨覺

一切種妙智作何業謂能絕一切有
情一切疑網令正法眼長時待住由
此有情未成熟者令其成熟已成熟
者令得解脫

於上所說現觀位中證得後後勝品
道時捨前所得下劣品道又即此時
集斷作證於無餘依涅槃界位聲聞
獨覺一切聖道無不皆由頻捨所捨
非諸菩薩是故唯說諸菩薩等為无
盡善根者無盡功德者何故建立諸
無記事由彼所問不如理故何故所
問不如理耶遠離因果染淨所應思
慮故

何緣菩薩已入菩薩超昇離生位而
非預流耶由得不住道一向預流行
不成就故何緣亦非一來耶故受諸
有無量生故何緣亦非不還耶安住
靜慮還生欲界故

又諸菩薩已得諦現觀於十地修道
位唯修所知障對治道非煩惱障對
治道若得菩提時頻斷煩惱障及所

阿毗達磨集論卷七 第十張 壁

知障頻成阿羅漢及如來此諸菩薩
雖未永斷一切煩惱然此煩惱猶如
呪藥所伏諸毒不起一切煩惱過失
一切地中如阿羅漢已斷煩惱

又諸菩薩於所知境應修善巧於諸
方便應修善巧於虛妄分別應修善
巧於無分別應修善巧於時時中應
修練根

云何所知境謂略有六種一迷亂二
迷亂所依三不迷亂所依四迷亂不
迷亂五不迷亂六不迷亂等流
云何方便善巧謂略有四種一成熟
有情方便善巧二圓滿佛法方便善
巧三速證通慧方便善巧四道無斷
絕方便善巧

云何虛妄分別謂略有十種一根本
分別二相分別三相顯現分別四相
變異分別五相顯現變異分別六他
引分別七不如理分別八如理分別
九執著分別十散亂分別此復十種
一無性分別二有性分別三增益分
別四損減分別五一性分別六異性
分別七自性分別八差別分別九隨

阿毗達磨集論卷七 第十張 壁

名義分別十隨義名分別

六何無分別謂略有三種一知足無分別二無顛倒無分別三無戲論無分別如此三種異生聲聞菩薩如其次第應知其相無戲論無分別復離五相一非無作意故二非超過作意故三非寂靜故四非自性故五非於所緣作加行故謂於所緣不起加行若諸菩薩性是利根云何復令修練根行謂令依利軟根引發利中根復依利中根引發利利根故

大乘阿毗達磨集論決擇分中論議品第四

六何論議決擇略說有七種謂義決擇擇決擇分別顯示決擇等論決擇攝決擇論軌決擇秘密決擇何等義決擇謂依六義而起決擇何等六義謂自性義因義果義業義相應義轉義自性義者謂三自性因果者謂三因一生因二轉因三成因果義者謂五果一異熟果二等流果三增上果四事用果五離繫果業義者謂五業一取受業二作用業三加行業四轉變業五證得業相應義者謂

阿毗達磨集論卷七 第十三章 壁

五相應一聚結相應二隨逐相應三連綴相應四分位相應五轉變相應轉義者謂五轉一相轉二安住轉三顛倒轉四不顛倒轉五差別轉何等釋決擇謂能解釋諸經宗要此復云何略有六種一所謂遍知事二所謂遍知義三遍知因緣四遍知自性五遍知果六彼證受又十四門辯釋決擇何等十四謂攝釋門攝事門捨別分門後後開引門遮止門轉變字門壞不壞門安立補特伽羅門安立老別門理趣門遍知等門力無力門別別引門引發門何等分別顯示決擇謂於如所說蘊等諸法中隨其所應作一行順前句順後句二句三句四句述可句遮止句等

何等論決擇謂依八何八若之詞問答決擇一切真偽復有四種等論決擇道理一能破二能立三能斷四能覺何等攝決擇謂由十處攝諸決擇何等十處一成因作決擇處二趣入決擇處三勝解決擇處四道理決擇處

阿毗達磨集論卷七 第十四章 壁

五論決擇處六通達決擇處七清淨決擇處八引發決擇處九句差別決擇處十不由功用暫作意時一切義成決擇處

何等論軌決擇略有七種一論體二論處三論依四論莊嚴五論負六論出離七論多所作法第一論體復有六種一言論二尚論三諍論四毀論五順論六教論言論者謂一切世間語言尚論者謂諸世間所隨聞論世智所尚故諍論者謂互相違返所立言論毀論者謂更相憤怒發惡惡言順論者謂隨順清淨智見所有決擇言論教論者謂教導有情心未定者令其心定心已定者令得解脫所有言論

第二論處謂或於王家或於執理家或對淨質堪為量者或對善伴或對善解法義沙門婆羅門等而起論端第三論依謂依此立論略有二種一不成立二能成立所成立有二種一自性二差別能成立有八種一立宗二立因三立喻四合五結六現量七

阿毗達磨集論卷七 第十五章 壁

比量八聖教量所成立自性者謂我
自性或法自性差別者謂我差別或
法差別立宗者謂以所應成自所許
義宣示於他令彼解了立因者謂即
於所成未顯了義正說現量可得不
可得等信解之相立喻者謂以所見
邊與未所見邊和會正說合者為引
所餘此種類義今就此法正說理趣
結者謂到究竟趣所有正說現量者
謂自正明了无迷乱義比量者謂現
餘信解聖教量者謂不違二量之教
第四論在嚴謂依論正理而發論端
深為善美名論在嚴此復六種一善
自他宗二言音圓滿三無畏四辯才
五敦肅六應供

阿毗達磨集論卷七 第十二張 壁

第六論出離謂觀察得失令論出離
或復不作若知敵論非正法器時眾
無德自无善巧不應與論若知敵論
是正法器時眾有德自有善巧方可
興論

第七論多所作法略有三種一善達
自他宗由此堪能遍興談論二無畏
由此堪能處一切眾而興論端三辯
才由此堪能於諸問難皆善辯答
復次若欲自求利益安樂於諸論軌
應善通達不應與他而興諍論如薄
伽梵於大乘阿毗達磨經中說如是
言若諸菩薩欲勤精進修諸善品欲
行真實法隨法行欲善攝益一切有
情欲得速證阿耨多羅三藐三菩提
者當正觀察十二處法不應與他共
興諍論何等十二一者宣說證無上
義微妙法時其信解者甚為難得二
者作受教心而請問者甚為難得三
者時眾賢善觀察得失甚為難得四
者凡所興論能離六失甚為難得何
等為六謂執著邪宗失矯亂語失所
作語言不應時失言退屈失廣惡語

阿毗達磨集論卷七 第十三張 壁

失心恚怒失五者凡興論時不懷廣毒
甚為難得六者凡興論時善護他心
甚為難得七者凡興論時善護定心
甚為難得八者凡興論時欲令已劣
他得勝心甚為難得九者已劣他勝
心不煩惱甚為難得十者心已煩惱
得安隱住甚為難得十一者既不安
住常修善法甚為難得十二者於諸
善法既不恒修心未得定能速得定
心已得定能速解脫甚為難得
何等秘密決擇謂說餘義名句文身
隱密轉變更顯餘義如契經言
逆害於父母王及二多聞誅國及隨行
是人說清淨
又契經言
不信不知恩 斷密無容處 恒食人所吐
是取上丈夫
又契經言
覺不堅為堅 善住於顛倒極煩惱所惱
得取上菩提
又契經言菩薩摩訶薩成就五法施
波羅蜜多速得圓滿何等為五一者
增益慳怯法性二者於施有倦三者

阿毗達磨集論卷七 第十八張 壁

憎惡乞求四者無暫少施五者遠離於施

又辨經言菩薩摩訶薩成就五法名梵行者成就第一清淨梵行何等為五一者常求以欲離欲二者捨斷欲法三者欲貪已生即便堅執四者怖治欲法五者三二數貪何故此論名為大乘阿毗達磨集略有三義謂等所集故遍所集故正所集故

大乘阿毗達磨集論卷第七

壬寅歲高麗國大藏都監奉

勅雕造

阿毗達磨集論卷七 第十九張 陸

大乘阿毗達磨集論卷第七

校勘記

- 一 底本，麗藏本。此卷金藏廣勝寺本見存，殘不可用。
- 一 六五七頁上六行及一九行「寶現」，
[資、磧、普、南、徑、清]作「實現」。
- 一 六五七頁下二〇行第三字「現」，
[徑]作「想」。
- 一 六五八頁下一九行「智清淨」，
[資]作「智慧清淨」；
[磧、普、南、徑、清]作「智慧清淨」。
- 一 六五九頁中三行「永斷」，
[磧、南]作「未斷」。
- 一 六五九頁中二〇行第三字「餘」，
[資、磧、普、南、徑、清]作「領」。
- 一 六五九頁下一八行末字「衆」，
[資、磧、普、南、徑、清]無。
- 一 六六〇頁上五行第六字「住」，
[徑]作「在」。
- 一 六六一頁上二行第七字「略」，
[資、磧、普、南、徑、清]作「別」。
- 一 六六一頁上二一行「四事」，
[普、南、徑、清]作「四士」。
- 一 六六一頁中五行第八字「解」，
[資、磧、普、南、徑、清]無。
- 一 六六一頁中一七行第一三字「之」，
[南、徑、清]作「文」。
- 一 六六三頁上七行第六字「三」，
[石]作「二」。